


土岐文庫
文庫17
W82
24



文庫 17
W82
24

南海集鈔

庚子正月五日曉過大皋渡

六十

霧外江山看不真只憑鷄犬認前村
渡船滿板霜如雪印我青鞋第一痕
危沙崩岸欲侵墻直下清江百尺強
過了筍輿元未覺忽然回首冷思量

之官五羊過太和縣登快閣觀山谷石刻

廬陵山水說西昌天遣金華印此邦
詩本道他將取去如何遺下一澄江

萬安道中書事

玉峰雲剝逗斜明花徑泥乾得晚行
細細一風寒裏暖時時數點雨中晴



010185188502

攜家滿路踏春華兒女欣欣不憶家騎吏也忘行役苦
人人插一枝花

過皂口

顛石三百里春流十八灘路從青壁絕船到半江寒不是
春光好誰供客子看猶須一樽綠併遣百憂寬

曉過皂口嶺

夜渡驚灘有底忙曉攀絕磴更禁當周遭碧嶂無人迹圍
入青天小冊方半世功名一雞肋平生道路九羊腸何時
上到梅花嶺北望螺峰半點蒼

步過分水嶺

路險勞人役儂須下驕行石從何代落蕨傍舊根生古樹
無今態幽泉有暗聲只言章貢近猶自兩三程

憇分水嶺望鄉

嶺頭泉眼一涓流南入虔州北吉州只隔中間些子地水
聲滴作兩鄉愁
嶺北泉流分外忙一聲一滴斷人腸浪愁出却廬陵界未
入梅山總故鄉

社日南康道中

東風試暖却成寒春恰平分又欲殘淡着煙雲輕着雨近
遮草樹遠遮山人行柳色花光裏天接江西嶺北間管領
社公須竹葉在家在外匹如閑

小溪至新曲

人煙懨懨不成村溪水微茫劣半分流到前灘忙似箭不
容雨點稍成紋

只愛孤峰惹寸雲忽驚頭上雨傾盆北來南去綠何事路上君看屐子痕
晚雲解事忽離披放出千峰特地奇欲掬一峰誰子是總如筆未退尖時
懊惱春光欲斷腸來時長緩去時忙落紅滿路無人惜踏作花泥透脚香

六月十九度大庾嶺題雲封寺

梅山未到未教休到得梅山始欲愁知道望鄉看不見也須一步一回頭

題南雄駙外計堂

攜家度嶺夜乘槎小泊凌江水北涯二月山城無菜把一年春事又楊花舉頭海國星辰近回顧梅山草樹遮客子

相逢聞好語看山只欠到南華

二月二十三日南雄解舟

昨夜新雷幾地鳴今朝春漲一篙清順流更借江風便此去韶州只兩程
水沒蒲芽尚有稍風吹屋角半無茅急灘未到先聞浪枯樹遙看只見巢

舟過黃田謁龍母護應廟

遠山相別忽相尋水到黃田漸欲深見說前頭山更好且留好句未須吟

舟過謝潭

夾江百里沒人家最苦江流曲更斜嶺草已青今歲葉岸蘆猶白去年花

碧酒時傾一兩杯船門纔閉又還開好山萬皺無人見都被斜陽拈出來

三月一日過摩舍那灘阻雨泊清溪鎮

一聲霹靂霽光收急泊荒茆野渡頭摩舍那灘衝石過曼陀羅影漾江流山纔入眼雲遮斷船去追程雨見留夜宿清溪望清遠舉頭不見隔英州

過盡危難百不堪忽驚絕壁翠巉巖倒垂不死千年樹下拂奔流萬丈潭隔岸數峰如筆格倚天一色染青藍真陽此去無多子到日應逢三月三

小泊英州

人人藤葉嚼檳榔戶戶茅簷覆土牀只有春風不寒乞隔溪吹度袖花香

數家草草劣無多點水飛鷺也不過道是荒城斗來大向來此地着東坡

過真陽峽

莫道無人徑亦窮尚餘碧篠伴青楓白雲不是從天降坐看生從翠嶼中仰見青天尺許青無波江水不勝平只驚白晝山竹裂杜宇初聞第一聲榕樹陰中一葦橫鷓鴣聲裏數峰青南人到此亦腸斷不是南人作麼生

晨炊光口砦

泊船光口薦晨炊野飯匆匆不整齊新摘柚花薰熟水旋撈萑苴浥生薑儘教坡老食無肉未害山公醉似泥過了

真陽到清遠好山自足樂人飢

過沙頭

過了沙頭漸有村地平江濶氣清溫暗潮已到無人會只有篙師識水痕

船中蔬飯

食蕨食臂莫食拳食笋食稍莫食根何曾萬錢方下箸先生把菜亦飽去嶺南風物似江南笋如束薪蕨作藍先生食藉幾萬卷千巖萬壑皆厨傳

清明日欲宿石門未到而風雨大作泊靈星小海

風雨從來海外天靈星海裏泊樓船坐吟苦句斟愁酒也是清明過一年

峽山前夕石間行泊得船時破膽驚驚到今宵已無膽聽

風聽浪到天明

一生行路竟如何樂事還稀苦事多知是風波欺客子不知客子犯風波

西園晚步

龍眼初如菘豆肥荔枝已似佛螺兒南荒北客難將息最是殘春首夏時

得壽仁壽俊二子中塗書二首

二子別我歸兼旬無消息客有饋荔枝盈籃風露色絳羅蹙寶髻水彈濺粘液老夫非不饑忍饑不忍喫急呼兩健步爲我致渠側默數川陸程幾日當還役惟愁香味壞色變那敢惜十日兩騎還千里一紙墨把書五行下廢書雙淚滴不如未到時當喜翻不懌

子壯祇覺幼子學祇覺遲二子忽頽然語離又作悲今年
來官下二子暫我隨懸知住不久且復相從嬉鶴書自天
降槐花呼汝歸伯也恐我愁願留不忍辭仲也慘不釋飛
鳴忍及時豈有鳳將雛雛長禁其飛決焉遣還家一笑更
不疑傷人怪無淚淚入肝與脾我昔如汝長壯志在四方
集賢給筆札秉燭促夜裝平明出門戶振衣不徬徨先君
泫然泣感我令我傷先君顧我語汝行勿斷腸他日汝養
子此悲會身當老懷追陳迹心折涕泗滂

宴客夜歸六言

月在荔枝梢上人行茉莉花間但覺胃吞碧海不知身落
南嶺

雨霽登連天觀

高臺十日不曾登雨後楷藤挂晚晴城外諸峰迎落照松
根細草總斜明眼穿嶺北書不到初入海南愁頓生只有
荷花舊相識風前翠蓋爲人傾

得壽仁壽俊二子書皆以病不及就試且報來期

二子何時到三秋欲盡頭收渠半張紙洗我一年愁不得
毛錐力元非子墨羞海山寒更碧整駕可同遊

送蔡定夫赴湖南提刑

菊後霜前換繡衣湘南嶺北看梅枝還將方策汗青路拈
出團扉草綠時四海幾人憐我老三年兩作送君詩借令
貴殺衡陽紙半幅無妨慰夢思

遣騎問訊范明州叅政報章寄絕句和韻謝之

南海人從東海歸新詩到日恰梅時燃梅細比新詩看未

必梅花瘦似詩

至日薄寒

舊傳冬不到南中今歲南中稍稍冬曦幕暖吹紅皺起霜
橋冷步縞聲鬆裁縫苦息詩千首排遣清愁酒一鍾不是
梅花開獨早似憐北客老相逢

病中夜坐

月留銀漢小徘徊似戀空庭獨樹梅玉漏聽來更二點燭
花剪了暈重開病身不飲看人醉乾雪無端上鬢來後日
老衰知健否只今六九已推墮

辛丑正月二十五日遊蒲澗晚歸

桃李淡酣日池塘淺試春霽暉搖遠水新煖軟遊人生酒
清無色青梅脆有仁烟鐘能底急催我入城闈

食車螯

珠宮新沐淨瓊沙石鼎初燃淪井花紫殼旋開微滴酒玉
膚莫熟要鳴牙根拖金線成雙美薑擘糟丘總一家老子
宿醒無解處半杯羹後半甌茶

謝福建茶使吳德華送東坡新集

黃金白玉明月珠清歌妙舞傾城姝他家都有儂家無却
有四壁環相如此外更有一牀書不甚自飽飽蠹魚故人
遠送東坡集舊書避席皆讓渠兒時作劇百不懶說着讀
書偏起晚乃翁作惡嗔兒痴強遣飢腸饑蠹簡老來萬事
落人後浪取故書遮病眼眼病逢書輒着花筆下蠅頭成
老鴉病眼將奈故書何故書一開一長嗟東坡文集儂亦
有未及終篇已停手印墨模糊紙不佳亦非魚網非科斗

富沙棗木新雕文傳刻疎瘦不失真紙如雪繭出玉盆字
如霜雁點秋雲老來兩眼如隔霧逢柳逢花曾不覩只逢
書冊佳且新把翫崇朝那肯去東坡痴絕過於儂不將一
褐易三公只將筆頭挂月脇萬古凡馬不足空故人憐我
老愈拙不寄金丹扶病骨却寄此書來惱我挑落青燈搔
白髮

連天觀望春憶毗陵翟園

中和節候社前時春到園林最晚枝弄水不冰攜扇手登
臺猶粟向風肌鳥鳥聲裏山光濕花柳陰中日脚遲北望
翟園春正開海棠錦繞雪荼蘼

二月十三日謁兩廟早起

起來洗面更焚香粥罷東窓未肯光古語舊傳春夜短漏

聲新覺五更長近來事事都無味老去波波有底忙還憶
山居桃李晚餘醪爲枕睡爲鄉

寄題蕭國賢佚我堂

軟紅塵裏幾時休重碧杯中且拍浮坐看痴兒誇絕足可
憐到老不回頭幅巾藜杖聊三徑明月清風自一丘我亦
年來厭奔走夢騎野鶴訪沙鷗

題桄榔樹

化工到得巧窮時東補西移也大奇君看桄榔一窠子竹
身杏葉海棠枝

春晴懷故園海棠

故園今日海棠開夢入江西錦繡堆萬物皆春人獨老一
年過社燕方回似青如白天濃淡欲墮還飛絮往來無奈

春光餐不得遣詩招入翠瓊杯

竹邊臺榭水邊亭不要人隨只獨行乍暖柳條無氣力淡
晴花影不分明一番過雨來幽徑無數新禽有喜聲只欠
翠紗紅映肉兩年寒食負先生

予去年正月離家之官蓋
兩年不見海棠矣

初食笋蕨

魚鱗烹龍世浪傳猩脣熊掌我無緣只逢笋蕨杯盤日便
是山林富貴天穉子玉膚新脫錦小兒紫臂未開拳只嫌
嶺外無珍饌一味春蔬不直錢

寒食對酒

荔枝園園花寒食日日雨先生老多病頗已疎綠醅兒童
喜時節笑語治罇俎南烹既前陳北果亦草具蝻蟀方纔
甘笋蕨未作苦先生欲獨醒兒女難多拒初心且一盃三

盃亦漫許醒時本強飲醉後忽快舉一盃至三盃一二三

四五偶然問兒輩卒曾是何處兒言翁但醉已忘酒巡數

明發青塘蘆包

青塘無店亦無人只有青蛙紫蚓聲蘆葦葉淡蒲葉淺荔
枝花暗棟花明船行兩岸山都動水入諸村海旋成回望
月臺烟雨外萬峰盡處五羊城

過胥口江水大漲舟楫不進

北江西水兩相逢胥口波濤特地雄萬事向儂水與炭一
生行役雨和風急流欲上人聲鬧近岸還移牽去聲路窮河
伯喜歡儂苦惱併將恩怨惱天公

入峽歌

峽山未到日日愁峽山已到愁却休不是朝來愁便散愁

殺人來天不管昨宵遠望最高尖今朝近看雲隔簾樓船
衝雨過山下兩扇屏風生色畫江神不遣客心驚雲去雲
來遮巖扃忽然寒雲露山脚仰見千丈翠玉削篙師相賀
漲痕落今日可到鷓磯泊

峽山寺竹枝詞

峽裏撐船更不行攞郎相語改行程却從西岸拋東岸依
舊船頭不可撐

一水雙崖千萬縈有天無地只心驚無人打殺杜鵑子雨
外飛來頭上聲

龜魚到此總回頭不但龜魚蟹亦愁底事詩人輕老命犯
灘衝石去韶州

一灘過了一灘奔一石橫來一石蹲若怨古來天設險峽
山不過也由君

天齊浪自說浯溪峽與天齊真箇齊未必峽山高爾許看
來只恐似天低

夜泊英州

旅病情先惡愁眠夢更驚犬須終夜吠月到五更明未解
波頭意偏來枕底聲平時厭行路投老正追程

阻風泊鍾家村離英州已三日纔行二十里

南遊端爲看山來過眼匆匆首屢回不是阻風船不進何
緣看盡萬崔嵬

滿船兒女厭江行我愛江行怕入城慚愧風師教欵曲爲
分一舍作三程

明發陳公徑過摩舍那灘石峰下

遙松烟未消近竹露猶滴石峰矜孤銳喜以江自隔清潭
涵曦紫碧岫過雲白回瞻宿處隄路轉不可覓地迥人絕
影山僻虎留跡下有無底潭上有欲落石是間一徑橫夾
以萬松直樹從何時有陳公所手植陳公今焉在徑松自
寒碧

昨宵望石峰相去無一尺今日行終朝祇繞石峰側石峰
何曾遠江路自不直仰瞻碧孱巖清峽如立壁反覆得細
看何必更登陟後顧江已遠前顧江若塞棹進岸自回天水
朱有極簾欣入絕巘舟愕觸潛石東瞰淡未熹北吹寒更寂岸
草不知愁向人弄晴碧

澄潭湧晴暈不風自成花回流如倦客出門復還家江晴
已數日新漲沒舊沙知是前溪雨濕雲尚橫斜山轉江亦
轉江行山亦行風鬟照玉鏡素練縈青屏我本山水客澹
無軒冕情塵中悔一來事外懷孤征忽乘滄浪舟仰高俯
浚情餐翠腹可飽飲淥身須輕鷓鴣不相識還作故園聲
危峰瑩無土平地定孤石如何半巖間亦有小樹碧走空
根苦辛倚險榦寒瘠芳蘭間叢生紫蕤濯幽色近香許世
間遠秀絕人摘而我雲外身方茲喟行役

城中安得山無山安得詩我入五羊城遠與山水辭有鏡
不敢覽塵面我自知解組來歸亭山水奔相隨水光動我
中山色染我衣舟行將一月恨速不恨遲山雲來未已江
月皎無滓平聲開懷放之入出語頗似之

我從靈洲來惟見芳草渡蒹葭隨水遠曠野無立樹挂席
上真陽好山忽無數好山如隱士避世不自露不應官道

傷乃有見山處借識衛叔玠未覩樂彥輔石峰再難得舟
過更回顧

南中山絕佳所恨人烟稀略無好事人結茅臨溪溪峰頂
可月亭岸石卽釣磯空令煙中猿挂崖弄漣漪山多人自
少人遠山益奇我舟行不留過眼山如馳過眼意已足久
留亦何爲

明發白沙灘聞布谷有感

提壺勸我飲杜鵑勸我歸不如布谷子勸我勤耘耔我少
貧且賤不但無置錐筆未墾紙田黑水導墨池借令字堪
煮識字亦幾希啼饑如不聞饑慣自不啼駿奔三十年辛
勤竟何爲髮從道塗白面爲風霜黧夜來白沙灘老命輕
如絲洪濤舞一葉呼天叫神祇生全乃偶然人力初何施
曉聞布谷聲如在故山時坐令萬感集初悟半世非一險
靡不悔數悔容何追有田不歸耕布谷真吾師

荔枝堂畫懋

荔子陰中風絕涼菖蒲節後日偏長落殘數柄荷花蕊浸
得一瓶泉水香多病早衰非破硯欲行復倦且胡牀曲江
近北差遲着不道江山勝五羊

風雨

殘風剝雨故欺人垂箔關窓護病身自拾荷花揩面汗新
將筍籜製頭巾梅天筆墨都生醜斐几文書懶拂塵帽子
一峰青可撥隔牆不敢畧開門

送彭元忠縣丞北歸

君從循州來却回饒州去拍天海浪拂日峰瓊尺裁成錦

機句學詩初學陳後山霜皮脫盡山骨寒近來別具一隻
眼要踏唐人最上關三春弱柳三秋月半溪清水半峰雪
只今六月無此物君能喚渠來入筆恰恰新鶯百轉聲忽
有寒蛩終夜鳴瀟湘故人汝漢客爲君一夜頭盡白我欠
天公詩債多霜髭撚盡未償他君懷玉盤金叵羅合騎天
駟超天河如何也鑄一大錯自古詩人多命薄黃茅起烟
如黃沙瘴毋照水曼陀花廣東之遊樂復樂勸君不如早
還家

題望韶亭

新隆寺後看韶石三三兩兩各依稀金坑津頭看韶石十
十五五不整齊一來望韶亭上看九韶八音堆一案金鐘
大鏞浮水涯玉瑟瑤琴倚天半堯時文物也僉疎禮樂猶
帶鴻荒餘茅茨殿上搥土鼓葦籥聲外無笙竽黃能郎君
走川嶽領取后夔搜禮樂嶧山桐樹半夜鳴泗水石頭清
晝躍山祇川后爭獻珍姚家制作初一新帝息南嶽來時
巡宮琰廟寶皆駿奔曲江清徹碧瓊軟海山孤尖翠屏展
天顏有喜后夔知一奏雲韶供亞飯帝登九嶷忘却歸不
知斑盡湘笛枝后夔一脛跛莫隨坐委衆樂江之湄儀鳳
舞獸掃無迹獨留一狻守其側至今喚作獅子石雨淋日
炙爛不得洞庭張樂已葑苔捷爲獲磬亦塵埃不如九韶
故無恙曼擊尚可冬起雷何時九秋霜月裏來聽湘妃瑟
聲美曲終道是不見人江上數峯是誰子

三月一十雨寒

姚黃魏紫向誰賒郁李櫻桃也沒些却是南中春色別滿

城都是木綿花

謝水韞之舍人分送講筵賜茶

吳綾縫囊染菊水鬢砂塗印題進字淳熙錫貢新水芽天
珍誤落黃茅地故人鸞渚紫薇郎金華講徹花草香宜賜
龍焙第一網殿上走趨明月璫御前啜罷三危露滿袖香
煙懷璧去歸來拈出兩蜿蜒雷鳴晦冥驚破柱北苑龍芽
內樣新銅圍銀範鑄瓊塵九天寶月霏五雲玉龍雙舞黃
金鱗老夫平生愛煮茗十年燒穿折脚鼎下山汲井得甘
冷上山摘芽得苦梗何曾夢到龍遊窠何曾夢吃龍芽茶
人分送玉川子春風來自玉皇家鍛圭椎壁調冰水烹龍
包鼠搜肝髓石花紫笋可衙官赤印白泥牛走爾故人氣
味茶樣清故人丰骨茶樣明開緘不但似見面叩之咳唾
金石聲麴生勸人墮巾幘睡魔勸我拋書冊老夫七椀病
未能一啜猶堪坐秋夕

荔枝堂夕眺

病骨秋矐怯暮清涼風偷帶北風輕迎寒窓隔重糊遍只
放書邊數眼明

九日郡中送白菊

未應白菊減於黃金作鈿心玉作裳一夜西風開瘦蕾兩
年南海伴重陽若言佳節如常日爲底寒花分外香接蕊
浮杯莫多着一枝留插髮邊霜

至節宿翁源縣與葉景伯小酌

此縣誰言是強名古來干室亦琴鳴只嫌六七茅竹舍也
有三三鷄犬聲村酒分冬勝虛度霜風一夜辦新晴半生

客路逢佳節佳節何曾負半生

過烏沙望大唐石峰

城中長恨不見山出城見山如等閒曹溪過了過岑嶺不
惟山粗石仍獷山如可師癩滿頂石如陳三瘦聯頸一路
令人眼不開開眼令人悶不醒烏沙未到一溪橫水清見
底心已清大唐六峰爭出迎水精筆架琉璃屏兩峰玉笋
纔出土三峰水盤釘角黍一峰新琢金博山霧作沈烟雲
作縷忽然前岡平截斷萬丈青尖餘寸許山神解憐客子
愁平地跳出蒼琳瑋更借天公修月斧神工一夜忙凋鏤
近看定何者遠看真可畫山神自賀應自詫古來此地無
車馬

葦子

空山一雨山溜急漂流桂子松花汁土膏鬆暖都滲入蒸
出葦花團戢戢戴穿落葉忽起立撥開落葉百數十蠟面
黃紫光欲濕酥莖嬌脆手輕拾色如鶯掌味如蜜滑如葦
絲無點溢傘不如笠釘勝笠香留齒牙麝莫及菘羔楮鷄
避席揖餐玉茹芝當却粒作羹不可疏一日作腊仍堪貯
盈笈

過陂子逕五十餘里喬木蔽天遣悶七絕

林中亭午始微明楓倒山傾滿路橫黃葉青苔深一尺先
生却愛此中行

草光葉潤亦清佳翠裏生香不是花一事說來人不信
長如樹蚓如蛇

蘆溪石路旋芟開藤挂肩輿却倒回蘭蕙連山爲誰好芭

蕉滿谷不緣栽

爲憐上轎蓄人肩下轎行來脚底穿客子心心愁欲暮碧雲偏作半陰天

晚風寂寂樹陰陰松不悲鳴竹不吟只有清泉逢白石向人刺口說山林

澗泉勸我出山遲曲曲遮留步步隨泉自多情儂自悶今宵會有出山時

山窮喜見一平川不似林中不識天只此出山便散何須更問小行年

過長峰逕遇雨遣悶

南中謂深山長谷寂無人煙中通一路者謂之逕自翁源至河源其逕有三猿藤跛子各五十里惟長峰餘百

過者往往露宿鑽火以炊予以半夜一晝疾行出逕宿秀溪云

野炊未到也饑噴到得炊邊却可人傘作旅亭泥處土水漂地竈雨中薪

河清入跡到來曾點污松風澗水聲不是先生愛山水是閒却遣阿誰行

猿藤跛子枉驚吁未抵長峰小半途今夕前頭何計宿不知出得逕來無

下到危坡斗處泥旁臨崩岸又邊溪不須杜句能驅瘧只誦長峰遣悶詩

出得山來未見村已知村近稍多田坐看雲脚都垂地回望峰頭已入天

明發曲坑

雲橫平野近人低似絮如紗只隔溪行到溪東元不見回
頭却復在溪西

明發龍川

山有濃嵐水有氛非烟非霧亦非雲北人不識南中瘴只
到龍川指似君

發通衢驛見梅有感

忙中撩眼雪枝斜落片紛紛點玉沙虛過一冬妨底事不
曾欸曲是梅花

過五里逕

野水奔來不小停知渠何事大忙生也無一個人催促自
愛爭先落澗聲

晨炊浦村

水出何村尾橋橫亂篠叢隔溪三四屋對面一雙峰過午
非常暖疑他不是冬疎梅照清淺作意爲誰容

入程鄉縣界

長樂昏嵐著地凝程鄉毒霧暝人腥吾詩不是南征集只
合標題作瘴經

明發房溪

山路婷婷小樹梅爲誰零落爲誰開多情也恨無人賞故
遣低枝拂面來

青天白日十分晴轎上蕭蕭忽雨聲却是松梢箱水落雨
聲那得此聲清

過單竹洋逕

兩山何許來此焉忽相尋摩肩不少讓爭道各載駸喬木
與修竹相招爲茂林無風生翠寒未夕起素陰天垂木末
近日到谷底滾空山時一響已動客子心行至幽絕處更
聞啼怪禽

自彭田鋪至湯田道旁梅花十餘里

一行誰栽十里梅下臨溪水恰齊開此行便是無官事只
爲梅花也合來

過瘦牛嶺

行盡天涯未遣休梅州到了又潮州平生豈願乘肥馬臨
老須教過瘦牛夢裏長驚炊劍首春前應許賦刀頭夜來
尚有餘樽在急喚渠儂破客愁

題瘦牛嶺

牛頭定何向牛尾定何指我不炙汝心我不穿汝鼻如何
不許見全牛霧隱雲藏若相避行行上牛背上下三十里
一雨生新泥寸步不自致胡不去作牽牛星渴飲銀河天
上水胡不去作帝籍牛天田春風牽犁耜却來蠻村天盡
頭塞路長遣行人愁夕陽芳草只依舊瘦牛何苦年年瘦

道旁草木

古樹何年澗底生只今已與嶺般平千梢萬葉無重數一
一分明報雨聲

過金沙洋望小海

海霧初開明海日近樹遠山青歷歷忽然咫尺黑如漆白
晝如何成暝色不知一風何許來霧開還合合還開晦明
百變一彈指特地遣人驚復喜海神無處逞神通放出一

頭誇客子須臾滿眼賈胡船萬頃一碧波黏天恰似錢塘
江上望只無兩點海門山我行但作遊山看減却客愁九
分半

題韓庭韓木

笑爲先生一問天身前身後兩般看亭前樹子關何事也
得天公賜姓韓

潮陽海岸望海

動地驚風起海甌爲人吹散兩眉愁身行島北新春後眼
到天南最盡頭衆水更來何處著千峰赴此却回休客間
供給能消底萬頃煙波一白鷗

除夜宿石塔寺

醉後先眠客莫嗔誰能守歲費精神幸無爆竹驚寒夢休

羨椒花頌好春今歲明年纔隔夕人情物態頓趨新遙憐

兒女團欒處政欠屠酥第十人

壬寅歲朝發石塔

曉鐘夢裏苦相呼強理烏紗照白鬚只有銅爐燒柏子更
無玉盞瀉屠蘇佛桑解吐四時豔鐵樹還如九節蒲省得
一朝疲造請却教終日走長途寺法堂前有紅佛桑四時
有花又有小木名鐵樹葉
似蕪而紫餘如密節莖蒲

海岸沙行

海濱半程沙上路海風吹起成煙霧行人合眼不敢覷一
行一步愁一步步沙痕沒芒屨不是不行行不去若爲
行到無沙處寧逢石頭齧足拇寧踏黃泥濺袍袴海濱沙
路莫再度

食蛤蜊米脯羹

傾來百顆恰盈奩，剝作杯羹未屬厭。莫遣下鹽傷正味，不
曾著蜜若爲甜。雪揩玉質全身瑩，金線冰鈿半縷纖。更浙
香杭輕糝，却發揮風韻十分添。

正月三日宿范氏莊

山歷愁寡天沙征恨多地，兩日行海濱雖近，彌不至遐瞻。
道旁堠我進，渠祇退。大風來無隔，午燠皎安避。今夕范氏
莊初覩，三峰翠愈遠，故絕遐不多始。足貴巉然半，凡出蹙
若一拳。細輕霏淡晚，秀噴照燁春。媚玩久有餘，佳繪苦未
必似。今夕勿掩扉，月中對山聯。

人日宿味田驛

破驛荒源晚，解鞍急呼重。碧敵輕寒南，中氣候從頭錯。人

日青梅已醞酸

正月十二日遊東坡白鶴峰故居，其北息無邪齋真

蹟猶存

詩人自古例，遷謫蘇李夜郎并。惠州人言造物因，嘲弄故
遣各捉一處囚。不知天公愛佳句，曲與詩人爲地頭。詩人
眼底高四海，萬象不足供。詩愁帝將湖海賜，湯沐僅僅可
以當。冥搜却令玉堂揮翰手，爲提椽筆判羅浮。羅浮山色
濃潑黛，豐湖水光先得秋。東坡日與羣仙遊，朝發崑閩夕
不周。雲冠霞佩照宇宙，金章玉句鳴天球。但登詩壇將騷
雅，底用蟻穴封王侯。元符諸賢下石者，祇於千載掩鼻羞。
我來剝啄王粲宅，鶴峰無恙江空流。安知先生百歲後，不
來弄月白蘋州。無人挽住乞一句，猶道雪乳水滫不當年。

醉裏題壁處六丁已遣雷電收獨遺無邪四箇字鸞飄鳳
泊蟠銀鈎如今亦無合江樓嘉祐破寺風颼颼

放船

岸岸人家住門門水面開老翁扶杖立稚子看船來一夜
鳴春雨諸灘漲綠醅順流行自快更著北風催

南海東廟浴日亭

南海端爲四海魁扶桑絕境信奇哉日從若木梢頭轉潮
到占城國裏回最愛五更紅浪沸忽吹萬里紫霞開天公
管領詩人眼銀漢星槎借一來

題南海東廟

羅浮山如萬石鍾一股南走如渴龍雷奔電激遶不住直
抵海濱無去處低頭飲海吐絳霞舉頭對着祝融家珠宮

玉室水晶殿萬水一日朝再衙青山四圍作城郭海濤半
浸青山脚客來莫上浴日亭亭上見海君始驚青山缺處
如玉玦潮頭飛來打雙闕晴天無雲濺碎雪天下都無此
奇絕大海更在小海東西廟不如東廟雄南來若不到東
廟西京未覩建章宮海神喜我著綺語爲我改容收霧雨
乾坤軒豁未能許小試日光穿漏句

船過靈州

却緣野濶覺天低政值潮平苦漿遲洲背雨船歸別港岸
頭茆屋出疎籬江山慘淡真如畫煙雨空濛自一奇病酒
春眠不知曉開門拾得一篇詩

清遠峽

清遠望峽山山脚無半里小舟行其間五日翠未已並馳

雨蒼龍

玉水送我到英州，渠當自回轡。

誰開峽山寺，政要過世喧。溪潭無來路，斷崖有清天。撐舟摘山果，擊磬煩嶺猿。人跡今擾擾，祇緣一魚船。

光口夜雨

峽江清空來，雨急寒聲夜。半蕭蕭發玻璃，盆面跳萬珠。一顆一聲清，入骨夢中搔。首起來聽聽，來聽去到天。明一生聽雨，今頭白不識春江夜雨聲。

出真陽峽

春光濃裏更江行，畫舫分明是水亭。出了真陽恰惆悵，數峰如筭雨中青。出落峽即見碧落洞數石峰未必陽山天下窮，英州窮到骨中空。郡官見怨無供給，支與真陽數石峰。

碧落洞前灘水

石峰背後即英州，只不教人到岸頭。羅帶春風吹不直，故將數摺惱行舟。

碧落峰前上一灘，篙師叫得口多乾。開門將謂船行遠，只在峰頭蘆荻灣。

碧落洞

夢中曾泊洞前船，落絮飛花是去年。今日來尋泊船處，一江風雨草連天。

神堂舖前桃花

北江二月正春寒，初見桃花喜未殘。臘月潮州見桃李，元來不作好春看。

題太和主簿趙昌父息隱堂

西昌主簿如禪僧日餐秋菊嚼春冰西昌府舍如佛屋一
物也無唯有竹俸錢三月不曾支竹陰過午未晨炊大兒
叫怒小兒啼乃翁對竹方哦詩詩人與竹一樣瘦詩句與
竹一樣秀故山蒼玉捶綠雲月稍風葉最關身勸渠未要
思舊隱且與西窗作好春

南華道中

清曉新晴物物熙小風淡日暖歸旗不堪回首南華路去
歲梅華細雨時
騎吏歡呼不要嗔三千里外北歸人慙慙自掬曹溪水淨
洗先生面上塵

曉霧

不知香霧濕人鬚日照鬚端細有珠政是春山眉樣翠被

渠淡粉作糊塗

送胡端明赴召

紫泥夜下日星暉赤舄朝看袞綉歸中國如今相司馬四
見說問非衣金魚玉帶明霜鬚斗極台符拱太微衛武
年齡子儀考一身雙羨古來稀

曉出郡城往值夏謁胡端明泛舟夜歸

郡城至值夏兩日非寬程奔走豈吾願詔書促南征出郭
星未已歸棹月已生問人水淺淺舟子喧未應水石代之
對淙然落灘聲危峰起夕蒼暗潭生夜清江轉風颯至病
肩難隱稜添衣初嬾尋忍寒良不能近城一二里遠岸三
四燈望關恐早閉驅舟祇遲行多情半環月久矣將西傾
欲落且小畱知我要入城月細光未多火星助之明至舍

心未穩麗譙纔一更

二月一日曉渡太和江

綠楊接葉杏交花嫩水新生尚露沙過了春江偶回首隔江一岸好人家

曉翠妨人看遠山小風偏入客衣單桃花愛做春寒信只恐桃花也自寒

二月初頭春向中花稍薄日柳稍風折花客子渾無賴狼藉須教滿路紅

晨炊黃宙舖飯後山行

山行行得軟如綿急上籃輿睡霎間夢裏只聞人喝道不知過盡數重山

萬安出郭早行

玉花小朶是山礬香殺行人只欲顛風掠水衣無處去柳塘着在角頭邊

晨炊阜徑

問路無多子驅車半日間行穿崖石古踏破蘚花斑綠語鶯邊柳青眠水底山人家豈無地爭住小溪灣

明發韶州過赤水渴尾灘石山七峰皆尖秀而一峰最高

船下驚灘浪正喧花汀水退走沙痕一峰忽自雲端出只見孤尖不見根

出峽

朝來入峽悶船遲也有欣然出峽時山色亦如人送客送行倦了自應歸

船行儘緩底須忙詩卷聊堪度日長瓶裏柚花偷觸鼻忽

然將謂是燒香

過沙頭

非煙非雨淡濛濛
淡閉窻扉護晚風
船外山光簾裏翠
岸頭花影鏡中紅

三月晦日遊越王臺

榕樹梢頭訪古臺
下看碧海一瓊杯
越王歌舞春風處
今日春風獨自來
越王臺上落花春
一掬山光兩袖塵
隨分杯盤隨處醉
自憐不及踏青人

四月八日嘗新荔枝

一點臙脂染蒂旁
忽然紅遍綠衣裳
紫瓊骨酪丁香瘦
白雲肌膚午暑涼
掌上冰丸那忍觸
樽前風味獨難忘
老饕

要啖三百顆却怕甘泉凍斷腸

夏日書事

一字看成兩霜鬚
摘轉多旣無書冊分
奈此日長何
荔子紅初皺
春醅碧欲波
醉來愁自去
不去亦從他

遊蒲澗呈周帥蔡漕張舶

勝日從公蒲澗遊
萬壑聲滿千崖秋
一逕如蛇三百曲
繞盡山腹到山頭
穹巖千仞敲欲裂
仰看飛泉瀉雲窟
鏘成環珮奏成琴
濺作珠璣霏作雪
步穿危磴攀蒼藤
忽上穹巖頂
上行人在半天泉
在井不敢下瞰
惟聞聲只怪前驅
淡不見須臾却向前
山轉海風吹袖萬丈長
海水去人一弓遠
老僧高卧晏未興
先遣長松夾道迎
小參古殿黃面老
不見舊日安期生
景泰上方半堵壁
城中望之雪山白

却從景泰望城中曉日樓臺煥金碧君不見中流千金博
一壺不如遊山飢時粥一盃金印繫肘大如斗不如遊山
倦時一杯酒安期飛昇今幾年祖龍不是不求仙至今年
年七月二十五傾城遊人來訪古

二月一日雨寒

南方氣候北方殊春裏清寒臘裏無雨入竹林渾不見只
來葉尾作真珠
補盡空櫺閉盡門茶甌火閣對爐熏中庭淺水休教掃正
要畱看雨點紋
梳頭正美睡相催理盡霜絲夢恰回窗隙小風能幾許也
吹蛛網去還來

姚黃魏紫向誰賒郁李櫻桃也淺此却是南中春色別滿

城都是木綿花

只見春晴道是晴不知半夜嫩寒生疾風吹落林間雨細
雨還成大雨聲

新晴西園散步

久雨令人不出門新晴與我到西園要知春事淡和淺試
看青梅大幾分
池水初生蓋玉沙雨餘碧草卧堤斜日搖波影纏橋柱綉
出藥枝遍地花
紅雨斑斑竹外蹊黃金嫋嫋水邊絲舉頭揀遍低陰處帶
葉青梅摘一枝
厭見山居要出來出來厭了却思回人生畢竟如何是且
看桃花晚蒼開

上巳前一日欲雨復晴

去年上巳正南來明日初三忽又催雨壓雲頭渾欲落風
翻日脚急吹開莫因嶺外無花卉便對春光廢酒杯只揀
茂林脩竹處蘭亭禊事足追回

岸沙

水嫌岸窄要衝開細蕩沙痕似剪裁蕩去蕩來元不覺忽
然一片岸沙摧

遣悶

江樹淡春色村雞薄晚聲雨添青笠重人減畫船輕遣悶
惟須睡哦詩只強成獨判連日雨却惜半朝晴

回望黃巢磯之險心悸久之

夜雲到曉不教收初日微明又却休雨爲岸花新洗面水
擦江草只搖頭千篙百棹力都竭十里九磯船正愁若到
峽中應更險却思峽外是安流

峽中得風掛帆

樓船上水不寸步兩山慘慘愁將暮一聲霹靂天欲雨隔
江草樹忽起舞風從海南天外來怒吹峽山山倒開百夫
絕叫椎大鼓一夫飛上千尺桅布帆掛了却袖手坐看水
上鵝毛走

夜泊鷓鴣磯

峽中盡日没人煙船泊鷓鴣磯也有村已被子規酸骨死今
宵第一莫啼猿

真陽峽

清遠雖佳未足觀真陽佳絕冠南蠻一泉嶺背懸崖出亂

灑江邊怪石間夾岸對排雙玉筍此峰外面萬青山險艱
去處多奇觀自古何人愛險艱

阻風鍾家村觀岸傍物化

殼如蟬蛻濕仍新那復浮嬉浪底春却把令身飛照水不
知石上是前身

題鍾家村石崖

水與高崖有底寬相逢不得鎮相喧若教漁父頭無笠只
着蓑衣便是猿

檄風伯

峭壁呀呀虎擘口惡灘洶洶雷出吼泝流更着打頭風如
撐鐵船上牛斗風伯勸爾一杯酒何須惡劇驚詩叟端能
爲我霽威否岸柳掉頭荻搖手

嶺雲

好山幸自綠嶄嶄須把輕雲護淺嵐天女似憐山骨瘦爲
縫霧縠作春衫

憇楹塘驛

夾路黃茅與樹齊人行茅裏似山雞長松不與遮西日却
送清陰過隔溪

過建封寺下連魚灘

江收衆水赴單槽石壁當流鬪雪濤將取危舟飛過去黃
頭郎只兩三篙

夢裏篙師忽叫灘老夫驚殺起來看前船過盡知無慮未
後孤舟膽自寒

羅仲憲送葶菜謝以長句

學琴自有譜相鶴自有經蔬經我繙盡不見蕓菜名金華
詩裏初相識玉友尊前每相憶坐令芥孫薑子芽一見風
流俱避席取士取名多失真向來許靖亦誤人君不見鄭
花不得半山句却參魯直稱門生

曲江重陽

煙描水寫老秋容嶺外秋容也自濃如見大賓新露菊若
歌商頌晚風松插花醉照濂溪井吹髮慵登帽子峰莫問
明年衰與健茱萸何處不相逢

曉炊黃竹莊

染練江山宿雨餘枝枝葉葉潤如酥絲窠瓔珞消多少破
盡天公百斛珠

琯灰簌簌欲飛聲日到牽牛第幾星地底陽生人不覺燒

痕未冷已青青

城中殊未有梅看莫是冬暄欠淺寒行到淡山最寒處兩
株香雪照冰灘

曉晴過猿藤逕

厭雨欣初霽貪程敢晏眠排天雙壁起受日一峰先入逕
惟逢樹無人况有煙藤淡猿不見聲到客愁邊

野炊猿藤逕樹下

逕仄旁無地林間忽有天丹楓明遠樹黃葉暗鳴泉苔錦
銀槍竈蘆葺玉帳氈從軍古云樂乞與箇山川

明發瀧頭

黑甜偏至五更濃強起侵星敢小慵輸與山雲能樣嬾白
高猶宿夜來峰

題興寧縣東文嶺瀑泉在夜明場驛之東

筓輿路轉崖欹傾只聞滿山泉水鳴卷書急開已半失眠
不停注耳細聽石如鐵色黑壁立鏡而平水從鏡面一飛
下蘄笛織簾風漪生石知水力倦半壁鍾作玉一泓水行
到此欲小憇後水忽至前水驚分清裂白兩派出跳珠躍
雪雙龍爭不知落處淡幾許但聞井底碎玉聲安得好事
者泉上作小亭釀泉爲酒不用麴春風吹作蒲萄綠醉寫
泉聲入枯木何處更尋響泉曲

夜宿房溪飲野人張珣家桂葉鹿蹄酒其法以桂葉

爲餅以鹿蹄煮酒釀以八月過是期味減云

桂葉揉青作麴投鹿蹄煮醪趁涼笏落杯瑩滑冰中水過
口森嚴菊底秋玉友黃封猶退舍蒸湯蜜汁更輸籌野人

未許傳醅法剩買隻餅過別州

揭陽道中

地平如掌樹成行野有郵亭浦有梁舊日潮州底處所如
今風物冠南方

宿南嶺驛

蕨手猶拳已箸長菊苗初甲可羹嘗山村富貴無人享二
路春風野菜香

感興

行役忘衰暮逢春感物華一來梅嶺外三見木綿花山鹿
寧遊市江鷗本卧沙紅塵無了日白髮未

夜泊曲灣

順流一日快舟行薄暮風濤特地生不是江神驚客子勸

人早泊莫追程

荔枝歌

粵犬吠雪非差事粵人語水夏蟲似北人冰雪作生涯水
雪一窖活一家帝城六月日亭午市人如炊汗如雨賣水
一聲隔水來行人未喫心眼開甘霜甜雪如壓蔗年年窖
子南山下去年藏冰減工夫山鬼失守嬉西湖北風一夜
動地惡盡吹北冰作南雹飛來嶺外荔枝梢絳衣朱裳紅
錦包三危露珠凍寒泚火傘燒林下成水北人藏冰天奪
之却與南人銷暑氣

朝天集鈔

仲冬詔追造朝供尚書郎職舟行阻風清泥

六一

江神風伯戰方酣北浪吹翻總向南未放人扶下江柁却
教眼看上江帆

暮泊鼠山聞明朝有石塘之險

下水船逢上水船夕陽仍更澁沙灘雁來野鴨却驚起我
與舟人俱仰看回望雪邊山已遠如何篷底暮猶寒今朝
莫說明朝路萬石堆心一急湍

二月望日遮宿南宮

司郎署疎竹之韻

此君見我眼猶青笑我銀鬕雪點成憶昔與君同舍日感
渠將雨作秋聲夜來遮宿三更悄葉底春寒一倍生夢入
故園數新筍籬邊破蘚幾莖橫

七字謝紹興帥丘宗卿惠楊梅

越絕諸楊盛一時與儂瓜葛不曾知老夫自笑吾衰矣此
客何從夢見之也解過江尋德祖政緣作尹是丘遲渠伊
不是南村派未分先驅事荔枝

謝胡子遠郎中惠蒲大韶墨報以龍涎心字香

墨家者流老蒲仙碧梧採花和麝煙華陽黑水煎膠漆大
陰玄霜作肌骨龍尾磨飢飲鼠鬚落點髹几几不如夷甫
清瞳光敵日一見墨卿驚自失後來夔州有梁杲爾來黔
川有吳老亦追時好得時名竟爲蒲生豎降旌吳墨往往
玄尚白梁墨濕濕黏黏壁南宮先生來自西惠然贈我四
玄圭我無鵲返鸞回字我無金章玉句子得君此贈端何
似兀者得韓僧得髻安得玉案雙鳴璫金刀繡段底物償

送

龍涎心字香爲君興雲繞明窓

李聖俞郎中求吾家江西黃雀醪法戲作醪經遣之

江夏無雙小道士一丘一壑長避世裁雲縫霧作羽衣蘆
花柳綿當裘袂身騎鴻鵠太液池脚踏金墓攀桂枝渴飲
南陽菊潭水飢啄藍田粟玉芝今年天田秋大熟紫皇遣
刈神倉穀一雙鳧雁墮雲羅夜隨弋人臥茅屋賣身不直
程將軍却與彭越俱策勳解衣戲入玉壺底壺中別是一
乾坤水精鹽山兩岐麥身在椒蘭衆香國玉條脫下澤凝
脂金叵羅中酌瓊液平生學仙不學禪剗心洗髓槽牀邊
諸公俎豆驚四筵猶得留侯借箸前昔爲飛仙今酒仙更
入太史滑稽篇

德壽宮慶壽口號

淳熙丙午元日聖上詣東朝慶壽八秩積陰頓晴飛雪
弄日聖孝昭格萬姓呼舞擬作口號

長樂宮前望翠華玉皇來賀太皇家青天白日仍飛雪錯
認東風轉柳花

春色何須羯鼓催君王元日領春回牡丹芍藥薔薇朵都
向千官帽上開

雙金獅子四金龍噴出香雲繞殿中太上垂衣今上拜百
王曾有箇家風

天父晨興未出房君王忍冷立風廊忽然鳴蹕珠簾捲萬
歲聲傳震八荒

甲戌王春試集英小臣曾是老門生蒼顏華髮班行裏也
聽鈞天九奏聲

題曹仲本出示譙國公迎請太后圖自肅天仗以下
皆紀畫也

德壽宮前春晝長宮內花開宮外香太皇頤神玉霄上都
人久不瞻清光今晨忽見肅天仗翠華黃屋從天降一聲
清蹕萬人看天街冰銷樓雪殘北來又有一紅繖八鸞三
駢金轂端輦中似是瑤池母鳳鳥霞裳剪雲霧太皇望見
天開顏萬國春風百花舞乃是慈寧太母回鸞圖母子如
初千古無朔雲邊雪旗脚濕御柳宮梅寒影疎向來慈寧
隔沙漠倩雁傳書雁難託迎還駟馭彼何人魏武子孫曹
將軍將軍元是一縫掖忽攘兩臂挽五石長揖如小
兒奉歸慈輦如折枝功蓋天下只戲劇笑隨赤松蠟雙屐
飄然南山之南北山之北君不見岳飛功成不抽身却遣

秦家丞相噴

正月二十四日夜朱師古少卿招飲小樓看燈

光射琉璃貫水精玉虹垂地照天明風流誰似朱夫子解
放元宵過後燈

南北高峰醒醉眸市喧都寂似巖幽君言去歲西湖雨城
外荷聲到此樓

和章德茂少卿拉館學之士四人訪王德修提幹之

作

西玉南金價則同帝城相對落花風人如天上朱星聚
到尊中竹葉空白紵烏紗青寶玦紫鸞黃鵠碧梧桐
此遇還孤往恨殺燈前欠老翁

送何一之右司出守平江

十年一別再重滋

流不減韋蘇州白

不應遲五月鷺

招陳益之李兼濟二主管小酌益之指蠶豆云未有

賦者戲作七言蓋豌豆也吳人謂之蠶豆云

翠莢中排淺碧珠甘欺崖蜜軟欺酥沙瓶新熟西湖水漆
搗分嘗曉露腴味與櫻梅三益友名因蠶繭一絲約老夫
稼圃方雙學譜入詩中當稼書

初夏清曉赴東宮講堂行經和寧門外賞花市

剩雨殘風一向顛花枝酒殘兩無緣忽逢野老從湖上擔
取名園到內前芍藥截留春去路鹿葱上夏初天衆紅
半霎聊經眼不枉皇州第二年

蚤謁景雷靈宮聞子規

帝里都無箇裏寬
苑深地禁到應難
蔚然綠樹去天近
上有子規啼月殘
便覺恍如還故里
不知聞處是長安
野蕒薇發桐花落
孤負南溪老釣竿

以六一泉煮雙井茶

鷹爪新茶蟹眼湯
松風鳴雪兔毫霜
細叅六一泉中味
故有涪翁句子香
日鑄建溪當退舍
落霞秋水夢還鄉
何時歸上滕王閣
自看風爐自煮嘗

西府直舍盆池種蓮

飛空天鏡墮芬苔
玉井移蓮旋旋栽
坐看一花隨手長
揆開半葉出頭來
稍添菱荇相縈帶
便有龜魚數往回
剩欲遶池三兩匝
數聲排馬苦相催

西府寒泉汲十尋
深澆淺灑碧森森
高花已照紅粧鏡
小蒼新抽紫玉簪
鈿破尚餘新雨恨
繖疎纔作半池陰
西湖瘦得如盆大
更伴詩人恐不禁

大音情

陳蹇叔郎中出閩漕別送新茶李聖俞郎中出手分似

頭綱別樣建溪春
小璧蒼龍浪得名
細瀉谷簾珠顆露
打成寒食杏花飴
鷓鴣斑碗面雲縈
字兔褐甌心雪作
泓不待清風生兩腋
清風先向舌端生

跋尤延之左司所藏光堯御書歌

光堯太上皇帝御書西漢書列傳目上有璽文曰帝錄
臣衰得之以示臣萬里謹拜手稽首作歌敬書于後
鸞臺長史老野僧
月前病鶴霜後蠅
文書海裏滾不了
黑

花亂發雙眼睛故人同舍尤太史敲門未揖心先喜袖中
傾下十斛珠五色光芒射牕几自言天風來帝旁拾得復
古殿中雲一張向來太上坐朝罷勝日光風花柳暇浣花
叢裏冰雪容宣城鷄距針芒鋒天顏有喜聊小試西京書
目供遊戲韓彭衛霍欣挂名舒向卿雲感書字漢廷多少
失意人九京寸恨不作塵一朝翻入聖筆底昭回之光喚
渠起小臣濫巾縫掖行手抄孝經不徹章何曾下筆寫史
漢再拜恭覽汗透裳太史結廬伴鷗鷺錫山山下荆溪渡
紅光紫炁燭天衢箇是深藏寶書處

送張定叟

紫巖衣鉢付南軒介弟曾同半夜傳師友別來真夢耳江
湖相對各潛然但令門戶無遺恨何必功名在早年君向

瀟湘我聞粵寄書只在寄茶前

時予方上章乞開漕

行路難

君不見河陽花今如泥土昔如霞君不見武昌柳春作金
絲秋作帶人生馬耳射東風柳色桃花却長久秦時東陵
千戶侯華蟲被體腰蒼瑯漢初沛邑刀筆吏折腰如磬頭
槍地蕭相厥初謁邵平中庭百拜百不磨邵平後來謁蕭
相故侯一拜一惆悵萬事反覆何所無二子豈是大丈夫
窮通流坎皆偶爾搏扶未必賢槍榆華胥別是一天地醉
鄉何曾有生死儂欲與君歸去來千愁萬恨付一杯

冬至節後賀皇太子及平陽郡主

長樂鐘聲遶夢驚建章星影照人行千官燈語聽殘點一
夜霜寒在五更金鑰玉篴開北闕銀鞍絲控謁東明青宮

朱邸環天極五色祥雲覆帝城

跋張功父通判直閣所惠約齋詩乙藁

句裏勤分似燈前得細嘗孤芳後山種一瓣放翁香苦處
霜爭澀臞來鶴較強不應窮活計公子也忙忙

送趙氏則少監提舉

座主門生四十年江湖契濶幾風煙同朝再接鴛行裏握
手相看鶴髮前誤喜論詩追舊事不知呼酒是離筵老懷
只作還山夢輸與先生早着鞭

上巳同沈虞卿尤延之王順伯林景思游春湖上隨
和韻得絕句呈之同社

鶻袍林裏過芳辰聞道春來不識春及至識春春已老于
中更老是詩人

揔宜亭子小如拳着得西湖不見痕湖上軒窗無不好
須抵死揀名園

天色鬢鬆未肯收吾儕自_以來不曾愁隨宜旋旋商量着晴
卽行行雨卽休

藍輿休上馬休騎溼却青鞋也不辭揀取雨絲疎處去攜
筇且謁水仙祠

雨催杖履却須回捲上疎簾眼頓開十里湖光平似鏡柳
梢梢上一船來

岸上湖中各自奇山觴水酌雨皆宜只言游舫渾如畫身
在畫中元不知

景靈宮聞子規

今年未有子規聲忽向宮中樹上鳴告訴落花春不管裴

同曉月恨難平斜風細雨又三日柳絮浮雲空一生豈不
懷歸歸未得倩渠傳語故園鶯

趙達明太社回于四月一日招游西湖

畫舫侵晨繫柳枝主人生怕客來遲嬌雲嫩日無風色幸
是湖船好放時

御池水滿苑門開泥帶飛花路帶苔到得孤山翻作惡海
棠鬧日不曾來

走筆送濟翁胞弟特往浙東謁拜丘宗卿

若見丘遲問老夫爲言黜似向來臞少將雙眼寄吾弟帶
去稽山看鑑湖

題水月寺寒秀軒

古寺深門一徑斜繞身縈面總烟霞低低簷入低低樹小

小盆成小小花經藏中間看佛畫竹林外面是人家山僧
笑道知儂渴其實迎賓 滌茶

題劉寺僧房

曾醉山間金叵羅山應識我我懷它頓添花竹明松檜依
舊菰蒲暗芰荷試問錦口并無恙否向來梅樹已無多未須
看遍新亭榭勝日重來一一過

送林子方直閣秘書將漕閩部

梅花園裏荔枝村頗記_非燈作上元一別頻蒙訪生死七
年再見叙寒溫屬當閑不用祈羣望不得臨風共一尊誰爲
君王留國士吾衰猶擬吐_天關

亦聞小泊贊公房清曉_非以藜叩上方君與一僧游別嶂我
行百匝造長廊風中霧屣_非來雲外雪檜霜松滿袖香政是

炎官張火傘不應多取海山涼

木樨初發呈張功甫

塵世何曾識桂林花仙夜入廣寒深移將天上衆香國寄
在梢頭一束金露下風高月當戶夢回酒醒客聞砧詩情
惱得渾無賴不爲龍涎與水沉

又和

老子江西有故林萬松園裏桂花淡憶曾風露飄寒粟自
領兒童拾落金割蜜旋將揉作餅擣香須記不經砧一枝
未覺秋光減燈影相看萬籟沉

題徐衡仲西窗詩編

江東詩老有徐語帶江西句子香秋月春花入牙頰松
風澗水出肝腸居仁衣鉢新分似吉甫波瀾并取將嶺表

舊遊君記否荔枝林裏折桄榔

題吳夢與古樂府

金麥寒帷銀蒜鈞水光殿後月華樓鬢歌花笑柳起舞何
處人間更有愁吳郎那得吳宮語夢裏苧蘿人道許低紅
揜翠曲未終小兒索飯啼門東

買菊

老夫山居花繞屋南齋杏花北齋菊青春二月杏花開抱
瓶醉臥錦繡堆涼秋九月菊花發白折寒枝插華髮湘纍
落英曾幾何陶令東鄰未是多吾家滿山種秋色黃金爲
地香爲國就中更有一丈黃霜葩月盡耿出墻飲徒無酒
尋不得尋得一身花露香如今小寓咸陽寺有口何曾問
花事百錢擔上買一株聊伴詩人發幽意

再和謝朱叔正機宜投贈獎及南海集之句

重陽風雨不全篇
春草池塘豈滿編
好句誰言較多少
古人信手斲方圓
自慚下下中中語
祇合休休莫莫傳
珍重銀鈎揮玉唾
竟無瑤報只空然

和張功甫夢歸南湖

一生兩事苦相關
從仕居貧併作難
顧我雪穿行脚襪
羨君身作在家官
曉分京兆月半壁
夕問南湖水幾竿
桃李能言春滿座
向人猶自訴霜寒

張功父請祠甚力簡以長句

老夫不及朱師古
納却太常少卿得
潼府老夫不及張約
齋乞得華州仙觀名
雲臺金印如斗牀
滿笏富貴何曾膏
白骨一世窮忙爲
阿誰終日逢人皺
兩眉賣身長鬚仍赤

脚忍向播間乞東郭
漆丁德曜喜欲顛
孤竹一簞真箇錯
張君有宅復有田
朱君歸去無一錢
老夫老矣不歸去
五柳先生應笑汝

利州路提刑秘書張李長送泚研發視乃一段柏木也作詩謝之

繡衣使者凜霜威
方丈仙人舊羽儀
別去十年真一夢
涵來萬里寄相思
如何綠石涵風面
化作青銅溜雨枝
却送新詩報嘉惠
偷兒當不要新詩

送德輪行者

瀝血抄經奈若何
十年依舊一頭陀
袈裟未着愁多事
着了袈裟事更多

題畢少董緝經圖

畢敷文少董名良史紹興初陷境居汴閉戶著春秋
正辭論語探古書有宋哲夫李願良輩執經師之好事
者寫爲繙經圖宋執一卷背立且讀且指李執一卷向
其師若有問者而少董坐一榻上後有二女奴各有所
執而阿冬者坐其間少董之季子也女奴之鬪者曰孫
壽冠者曰馬惠真哲夫名成願良名師魏云

宋生把卷讀且指李生把卷問奇字榻上坐着一老子右
手秉筆袒左臂春秋論語訓傳成習中有話頗欲告兩生
欲呼小白拉重耳同尊帝京婢妾不解事兩生未
可語冬郎政兒癡誰能復憐許繙經未了報歸期攜書歸
來獻玉墀沙滿面無人識回首兩生斗南北

戊申元日立春題道山堂前梅花

今年元日不孤來帶領新春一併回夜雨初添石渠水
風先入道山梅不妨數朶且微破未要十分都放開江路
野香原自好阿誰攜取種蓬萊

龍山送客

念念還鄉未得還偶因送客到龍山分明認得西歸路
是回車却入關

跋王順伯所藏歐公集古錄序真蹟

遂初欣遇兩詩伯臨川先生一禪客三人情好元不疎祇
是相逢逢不得渠有正觀碑儂有永和詞真贗爭到底未
說妍與媸珊瑚擊得如粉碎趙壁博城翻手悔不似三家
鬪斷碑夜戰半酣莫先是皇朝愛碑首歐陽集古萬卷六
一堂玄圭漆玉堆墨寶照霜黑水塗緇裳臨川無端汲古

手席卷歐家都奄有岫山科斗不要論嶧山野火不經焚
尤家沈家喙如鐵未放臨川第一勳不知臨川何許得尤
物集古序篇出真筆遂初心妒口不言君看跋尾猶悵然
遂初欣遇尤延之沈虞卿自號也二公與順伯皆喜收碑
刻各自誇尚

和張功父梅詩

今歲柴車總未巾孤山龍井不曾行老無半點看花意遮
莫明朝雨及晴
約齋句子已清圓更賦梅花分外妍不飲銷金傳玉手却
來齒雪聳詩肩
要與梅花巧鬪新恨無詩句敵黃陳約齋詩好人仍好不
怕梅花賽却人

夢種菜

予三月一日之夜夢遊故園課僕夫種菜若秋冬之交
者尚有菊也夢中得菜子菊花一聯覺而足之
背秋新理小園荒過雨哇丁破塊忙菜子已抽蝴蝶翅菊
花猶著鬱金裳從教蘆葍專車大早覺蔓青撲鼻香宿酒
未消羹糝熟析醒不用柘爲漿

春雨呈袁起巖

昨日晴暄盡十分無端寒濕復今晨蒼顏華髮差排老急
雨顛風屏當春只有觀書堪遣日從來病眼不如人詩名
滿世真何用更賺先生願卜鄰

謝張功父送牡丹

病眼看詩痛不勝落花千朵喚雙明淺紅醲紫各新樣雪
白鵝黃非舊名擡舉精神微雨過留連消息嫩寒生蠟封

水養松窗底未似瑤欄倚半醒

三衢登舟午睡

午息昏昏不肯醒倦投竹枕睡難成曉然有夢疑非夢聽
得人聲及水聲

曉泊蘭溪

金華山高九天半夜雪裝成珠玉案蘭溪水清千頃強朔
風凍作琉璃缸日光雪光兩相射病眼看來忘南北恨身
不如波上鷗脚指爲楫身爲舟恨身不如沙上雁蘆花作
家梅作伴折綿冰酒未是寒曉寒真欲冰我肝急閉籊籊
擁爐去竹葉梨花十分注

蘭溪解舟

只愁灘淺閣行舟到得江深又不流水鳥避人飛不徹看

他沒去看他浮

和陳寒叔郎中乙巳上元晴和

御柳梢頭晚不風官梅面上雪都融如何閨闔新春夜頓
有芙蓉滿眼紅十里沙河人最鬧三千世界月中買燈
莫費東坡紙今歲鼇山不入宮

十四日晚有旨徹禁中山

春寒早朝

十載江湖今又歸朝雞不許夙興遲每聞撲鹿初鳴處只
是鬆鬢好睡時病眼生憎紅蠟燭曉光來到碧桃枝誰能
馬上追前夢坐待金門放玉篴

沈虞卿秘監招遊西湖

蘇公堤遠柳生煙和靖園深竹映關船入芰荷香處去入
從雲水國中還似寒如暖清和在欲雨翻晴頃刻間能爲

蓬萊老仙伯一杯痛快吸湖山

送鄉僧德璘監寺緣化結夏歸天童山

七百支郎夜忍飢木魚閉口等君歸還山大衆空歡喜只有誠齋兩首詩

答提點綱馬驛丞劉修武

翰

解道征鴻數字秋清於雪椀映冰甌老來筆底心無毒交割風光與子休

賀皇太子九月四日生辰

繼照姿天縱分陰學日勤橘中招綺夏瓜處屏伍文老別魚竿月來依鶴禁雲還將古鑑聊當野人芹

和同年李子西通判

走馬看花拂綠楊曲江同賞牡丹香向來年少今俱老君拜監州我作郎北關小遲蒼玉佩南征聊製芰荷裳病身只作家山夢徑菊詩葩兩就荒

九日卽事呈尤延之

昨日茱萸未苦香今朝籬菊頓然黃浮英泛蕊多多著舊酒新醅細細嘗節裏且追千載事鬢邊管得幾莖霜正冠落帽都兒態自笑狂夫老不狂

和周元吉左司夢歸之韻

半似清狂半白癡不須人笑我心知煙霞平日真成癖山水中年却語離錯計浪隨雲出岫感君能遣雨催詩居然喚起還家夢橘刺藤梢隔槿籬

送劉孔章縣尉得官西歸

早宴黃花詣粉闈晚接春草染朝衣却提猛士弓彎月去

掃封狐雪打圍綠鬚朱顏君勝我青春白日我息歸何時
共淪青原茗下看江鷗來去飛

雲龍歌調陸務觀

墨池楊子雲雲間陸士龍天憎二子巧言語只遣相別無
相逢長安市上忽再值向來一別三千歲王母桃花落幾
番北斗柄爛銀河乾雙鬢成絲絲似雪兩翁對面面如丹
借問別來各何向渭水東流我西上金印斗大直幾錢錦
囊山齊今幾篇詩家不愁吟不徹只愁天地無風月君不
見漢家平津侯東閣冠蓋如雲浮又不見當時大將軍公
卿推拜如星奔抵今雲散星亦散也無鹿登臺榭羊登坡
何時與君上廬阜都將硯水供瀑布磨鎌更斫扶桑樹擣
皮作紙裁煙霧雲錦天機織詩句孤山海棠今已開上巳
未有遊人來與君火急到一回一杯一杯復一杯管他玉
山頽不頽詩名於我何有哉

再和雲龍歌畱陸務觀西湖小集且督戰云

我願身為雲東野化為龍龍會入淵雲入岫韓子却要長
相逢作意相尋偏不值不知今年是何歲刻藤土板贈一
番廷珪烏丸曬未乾乃是故人陸浚儀詩骨點化黃金丹
謂宜天祿貯劉向不然亦合雲臺上却令去索催租錢枉
却清風明月三千篇夜裝明發走不徹半篙刺碎巖灘月
老夫不願萬戶侯但願與君酒觥萬斛同拍浮老夫不法
故將軍但怯與君筆陣千里相追奔少陵浣花舊時屋太
白青山何處坟三仙死可埋丘阜二仙生可着韋布名挂
廣寒宮裏樹非煙非雲亦非霧長使玉皇掉頭誦渠句詩

詩苑集卷之五
府誰得玉筴開詩壇誰授黃鉞來畱君不住君急回不道
西出陽關無此杯西山金盆儘渠頽斯游明日方懷哉

寒食雨中同舍人約遊天竺得十六絕句呈陸務觀
遊山不合作前期便被山靈聖得知只等五更傾一雨三
更猶是月明時

笋輿衝雨復衝泥一徑溪溪只覺遲孤墪忽從雲外出寺
門漸近報儂知

住山何敢望他僧只是遊山也不曾可惜一條杉檜路都
將濕了不教行

破雨遊山也莫嫌却緣山色雨中添人家屋裏生松樹穿
出茅簷却覆簷

小溪曲曲亂山中嫩水濺濺一線通兩岸桃花總無力斜
紅相倚卧春風

老檜如幢翠接連山茶作檜綠縈纏山僧相識渾相忘不
到山中十五年

三峰小石一方池下有機泉仰面飛坐看跳珠復拋玉忽
然一噴與簷齊

清遠溪中小閘頭遮攔溪水不教流山僧爲我放一板濺
雪奔雷怒未休

城裏哦詩枉斷髭山中物物是詩題欲將數句了天竺天
竺前頭更有詩

忽撚金絲嬾綺疏又驚寒食到來初不知折盡西湖桺挿
遍長安萬戶無

禪房寂寂水潺潺草巖花點綴間忽有仙禽發奇響頽

伽來自補隨山

雨裏匆匆怨出郊晴時不出却誰教西湖北畔名園無
數桃花只見稍

戶戶游春不放春只愁春去不愁貧今朝道是游人少處
處園亭處處人

若道尋春被雨催如何隨處兩三杯晚晴曉雨如翻手有
底虧儂不好來

萬頃湖光一片春何須割破損天真却將葑草分疆界葑
外垂楊屬別人

轎頂花枝儘鬧裝游人未暮已心忙無端更被千株柳展
取蘇堤分外長

跋陸務觀劔南詩藁二首

今代詩人後陸雲天將詩本借詩人重尋子美行程舊盡
拾靈均怨句新鬼嘯狻啼巴峽雨花紅玉白劔南春錦囊
繡罷清風起吹仄西窗月半輪

劔外歸來使者車淞東新得左魚符可憐霜鬢何人問焉
用詩名絕世無彫得心肝百雜碎依前塗轍九盤紆少陵
生在窮如蝨千載詩人拜蹇驢

新晴讀樊川詩

江妃瑟裏芰荷風淨埽癡雲展碧穹嫩熱便嗔疎小扇斜
陽酷愛弄飛蟲九千刻裏春長雨萬點紅邊花又空不是
樊川珠玉句日長淡殺箇衰翁

駕幸聚景晚歸有旨次日歇泊

身在長安夢故山故山未去且長安落紅滿地莫教掃新

詩苑朝日集金 十一
綠隔牆聊借看竹葉勸人行樂事榴花爲我遣春寒賜休
又得明朝睡不問三竿與兩竿

都下食筍自十一月至四月戲題

竹祖龍孫渭上居供饌樽俎半年餘斑衣戲綵春無價玉
版談禪佛不如若怨平生食無肉何如陋巷飯斯蔬不須
庾韭元修菜喫到憎時始憶渠

醪醑

以酒爲名却謗他冰爲肌骨月爲家借令落盡仍香雪且
道開時是底花白玉梢頭千點瀟綠雲堆裏一枝斜休休
莫斷西莊柳放上松梢分外佳

南海陶令曾送水沈報以雙井茶二首

嶺外書來謝故人梅花不寄寄爐熏瓣香急試博山火兩
袖忽生南海雲茸惹鬚眉清入骨縈盈窻八巧成文瓊瑤
作報那能辦雙井春風輟一斤
沈水占城第一良占城上岸更差強黑藏骨節龍筋瘡斑
出文章鷓翼張滾盡殘膏添猛火熬成熟水趁新湯素馨
熏染真何益畢竟輸他本分香

幼圃

蒲橋寓居庭有剝方石而實以土者小孫子藝花窠菜
本其中戲名幼圃

寓舍中庭劣半弓鷺泥爲圃石爲墉瑞香萱草一兩本蒸
葉葍苗三四叢穉子落成小金谷蝸牛卜築別珠宮也息
日涉隨兒戲一逕惟看蟻得通

送周元吉顯謨左司將漕湖北

君詩日日說歸休忽解西風一葉舟黃鶴樓前作重九水
精宮裏過中秋職親六閣仍金馬喜入千屯看木牛繡斧
光華誰不羨一賢去國欠人畱

又見周郎攜小喬武昌赤壁醉嬌饒蜀江雪水來三峽吳
苑風煙訪六朝秋月春花出肝肺新詞麗曲入笙簫歸來
却侍金鑾殿好看霜毫映珥貂

彼此江湖漫浪翁相逢通宿省西東兩窮握手論詩後一
笑投膠入漆中臨水登山公別我青鞋布襪我從公貂裘
已博江西艇只待黃花半席風

送王季德提刑寶文少卿

寶儲依舊接吳游盪節何曾遠藻旒卿月使星銀漢曉繡
衣綵服太湖秋豺當道上狐何閒鷹擊霜前兔已愁火急

平反供 笑紫荷玉笋待君侯

贈都下寫真葉德明

我昔山林人不識或疑謫仙或狂客仰看青天不看人醉
裏那知眼青白一攜破硯入長安素衣成緇綠髻斑上林
麒麟着野馬滄洲鴟鷺綴孔鸞漢宮威儀既不入貴人樣
灞橋風雪又不見詩人相不須覽鏡照清溪我亦自憎塵
俗狀葉君着眼秋月明葉君下筆秋風生市人請畫卽唾
罵只寫龍章鳳姿公與卿肯來爲予寫衰貌擲筆掉頭欣
入妙相逢可惜遲十年不見詩翁昔年少

送孫檢正德操龍圖出知鎮江

看花走馬紹興間彼此春風各少年黃甲諸儒今幾許白
頭同舍省東偏昨宵歸夢月千里餘債欠君詩兩篇已乞

閩山一窠闕老身只要早歸田

食雞頭子

三危瑞露凍成珠九轉丹砂鍊久如鼻觀溫芳炊桂歇齒
根熟軟剝胎餘半甌鷹爪中秋近一炷龍涎丈室虛却憶
吾廬野塘味滿山柿葉正堪書

新寒戲簡尤延之檢正

逗晚添衣併數重隔晡剩熱尚斜紅秋生露竹風荷外寒
到雲窻霧閣中半點暄涼能幾許古來豪傑總成空木犀
香殺張園了雪臭金梭欠兩翁

跋姜春坊梅山詩集

松風澗水打窻聲玉珮瓊琚觸眼明當畫如何桂秋月未
春特地轉新鷺只銷一卷梅山集幻出多般景物情老子

平生有詩癖爲君焚却老陶泓

秋雨蚤作有歎

細雨簷無質安得更有聲如何却作泥亦能妨晨征宿昔
忽過暄心知非堅晴何須暄晴極然後寒雨生寒生使人
覺妙物亦何曾翦翦自神妙無乃與物矜造物本非作觀
者或強名老夫近稍聾此事無暇聽平生感秋至此意今
已平獨念老病身頗不耐夙興何時歸故園晏眠閉柴荆
鳴雞亦不畱好夢無吾驚他年憶此時惘如宿酒醒息歸
已可喜而况真歸耕

寄題曾子與競秀亭

老夫上下蓼花灘每過君家輒繫船尊酒燈前山入座孤
鴻月底水連天暄涼書問二千里場屋聲名三十年競秀

主人文似豹不應霧隱萬峰邊

赴文德殿聽麻仍拜表

蒼龍觀闕啓槐宸白玉堦除振鷺羣仗外諸峰獻松雪霜
前一雁度宮雲舍人就日宣麻制丞相瞻天進表文夙退
自欣還自笑素餐便當策殊勳

紫宸殿拜表賀雪

稍緩鳴靴不住催一聲再拜忽如雷封章進了儀曹退文
武班齊上相來白髮兩年陪賀雪紫衣數輩小傳杯賜休
退食端何限未到西湖探早梅

立春後一日和張功父園梅未花之韻

前夕三更月落時東風已動萬花知江梅端合先交割春
色如何未探支只欠梁溪水柱句追還和靖暗香詩張家

剩有蔥根指不把瓊酥滴一枝

人口出遊湖上

去時數點雨歸時數片雪雨雪兩不多山路雙清絕
城中雪一尺山中雪一丈地上都已消却在松梢上
去歲遊春屐苔痕故可尋人家隨岸遠堦影落湖淡

寄題劉成功錦里

嘉林市中虛一丈嘉林寺後竹千竿先君授徒竹窻底我
初識君俱少年同師同舍同筆硯火冷燈青飛雪片春風
一夜吹林花南北飄零各星散我今頭白苦思歸羨君山
園芋栗肥爲君題作小錦里君應一笑巾墮几

讀淵明詩

少年喜讀書晚悔昔草草迨今得書味又恨身已老淵明

非生面穉歲昔已早極知人更賢未契詩獨好塵中談久
睽暇處目偶到故交了無改乃似未見寶貌同覺神異舊
翫出新妙凋空那有痕滅跡不須埽腹腴八珍初天巧萬
象表向來心獨苦膚見欲幽討寄謝穎濱翁何謂淡且稿
送姜夔堯章謁石湖先生

釣璜英氣橫白蜺欬唾珠玉皆新詩江山愁訴鸞爲泣鬼
神露素天洩機彭蠡波心弄明月詩星入腸肺肝裂吐作
春風百種花吹散瀕湖數峰雪青鞋布襪軟紅塵千詩只
博一字貧吾友夷陵蕭太守逢人說項不離口袖詩束來
謁老夫慙無高價當璠璵翻然却買松江艇徑去蘇州參
石湖

林景思寄贈五言以長句謝之

華亭沈虞卿惠山尤延之每見無雜語只說林景思試問
景思有何好佳句驚人絕倒句句飛從月外來可羞王
公薦穹昊若人乘雲駕天風秋衣剪菊裁芙蓉暮宿銀漢
朝蓬宮我欲從之東海東西湖柳色二三月相逢一笑冠
纓絕醉招和靖叫東坡一吸西湖湖水竭我醉自眠君自
顛路人往往指作仙此輩何曾識此樂識與不識俱可憐
別時花開今已落思君令人瘦如鶴夢裏隨君攜酒瓢同
登天台度石橋瀑布界天瀉雲窟長松拔地攙煙霄與君
聯句章未了帝城鐘動西峰曉海風吹墮珊瑚枝乃是先
生寄我詩火雲燒江江水沸君詩清涼過於水定知來自
雪巢底恍然坐我天台寺

寄題劉凝之墳山壯節亭用轆轤體

見了廬山想此賢此賢見了失廬山曾中書卷雲凌亂身
外功名夢等閒一點目光牛背上五絃心在雁行間欲吟
壯節題崖石筆挾風霜齒頰寒

賀皇太子九月四日生辰

典學光陰壁不如簡編燈火卷還舒極知儲后勤稽古却
是儒生懶讀書心到帝王圖籍外手追雅頌國風初人間
未見瑤山集十倍曹丕尚有餘

和袁起巖郎中投贈七字

故人一別兩相息不但平生痛飲師曾次五三真事業筆
端四六更歌詩閉門覓句今無已刻意傷春古牧之卧雪
高人家譜在春風政着紫蘭枝

江西道院集鈔

戊申四月九日得請補外初出國門宿釋迦寺

六二

出却金宮入梵宮翠微綠霧染衣濃三年不識西湖月一
夜初聞南澗鐘藏室蓬山真昨戲園翁溪友得今從若非
朝士相追送何處冥鴻更有踪

明發南屏

新晴在在野花香過雨迢迢沙路長兩度立朝今結局一
生行客老還鄉猶嫌數騎傳書札剩喜千山入肺腸到得
前頭上船處莫將白髮照滄浪

過南蕩

秧纔束髮幼相依麥已掀髯喜可知笑殺槿籬能耐事東
扶西倒野醪醲

近岫遙峰翠作圍平田小港碧行遲
垂楊一徑澹澹去河
那人家住得奇

過楊村

石橋兩畔好人烟
匹似諸村別一川
楊柳陰中新酒店
葡萄架底小漁船
紅紅白白花臨水
碧碧黃黃麥際天
政爾清和還在道
爲誰辛苦不歸田

側溪解纜

夢裏喧聲定不凡
順風解纜破晴嵐
起來職事惟洗而此
外功名是挂帆
莫笑一蔬兼半菽
飽食萬壑與千巖
蓬萊雲氣君休望
且向嚴灘濯布衫

舟過桐廬

瀟灑桐廬縣寒江
綠一灣朱樓隔綠柳
白塔映青山
稚子

排牕出舟人買菜
還峰頭好亭子不得一躋攀

近縣人人喜來船
岸岸移偶因小泊處
恰是早食時喚僕
答相亂看山寒不知橫洲
猶半在今歲水生遲
後面山無數南頭柳
更多人家逼江岸
屋柱入滄波老去
頻經此重來更幾何
牛山動悲感曾侍板輿過

溜港灘

此去嚴州只半程
一江分作兩江橫
忽驚洲背青山下
却
有桅檣地上行

蘭溪女兒浦曉寒

前年寒早熱亦早
去年寒遲熱亦遲
何曾寒暑有遲速
通融三年那兌支
人生何必早得意
芍藥榮時牡丹瘁
榮枯遲速一笑休
順風今日好行舟

嘲穉子

雨裏船中不自由無愁穉子亦成愁看渠坐睡何曾醒及至教眠却掉頭

柴步灘

江濶水不聚分爲三五灘遂令客子舟上灘一一難小沙已成洲大沙已成山山有樹百尺樹圍屋數間水底復生洲沙濕猶未乾從此洲愈多安得水更寬憶從嚴陵歸水落不能湍拖以數童僕折却十竹竿今茲過吾舟念昔猶膽寒

東噴灘

江船初上灘灘水政勃怒船工與水鬪水力攔船住琉璃忽破碎冰雪併吞吐竟令水系伏低頭船底去朝來發盈川已過灘十許但聞浪喧闐未覩水態度却緣看後船偶爾見奇處從此至三衢猶有灘四五

將至地黃灘

未到地黃灘十里先聞聲檣竿已震掉未敢與渠爭舟人各整篙有如大敵臨塞蓬試一望濺雪紛淙瑋乃是水磴港爲灘作先鳴真灘定若何老夫虛作驚

蘇木灘

灘雪清濺眸灘雷怒醒耳落洪翠壁立跳波碧山起船進若戰勝船退亦遊戲若非篙師苦進退皆可喜忽逢下灘舟掀舞快雲駛何曾費一棹纜瞬已數里會有上灘時得意君勿恃

遼車灘

東岸上不得西岸上更難五船往復來經緯灘兩間一船
初徑進當流爲衆先濤頭打澎湃退縮不敢干一船作後
殿忽焉突而前瞬息越湍險回顧有矜顏老夫與寓目亦
爲一粲然

過查灘

眼底常山一武中上灘更得半船風青天以水爲銅鏡白
鷺前身是釣翁舊日岸頭渾改盡數尖山背忽攙空老夫
只費五六月日行盡浙山西復東

過鉛山江口

下却諸灘水漸平舟行已遠上饒城酒家便有江鄉景綠
柳梢頭挂玉瓶

初二日苦熱

人言長江無六月我言六月無長江只今五月已如許六
月更來何可當船倉周圍各五尺且道此中底寬窄上下
東西與南北一而是水五面目日光煮水復成湯此外何
處能清涼掀蓬更無風半點揮扇只有汗如漿吾曹避暑
自無處飛蠅投吾求避暑莫不解飛且此住飛蠅解飛不飛去

感秋

昨扇猶午攜今裝覺晨單起來且復臥未敢窺柴關不覺
病至此爲復老使然平生性剛燥畏熱長喜寒念昔黍鄉
賦踐雪詣春官布褐皆不續芒鞋繭且穿長亭夜濯足次
燈呻故編買酒破孤悶浩歌殷屋椽何曾悲廩秋山稜聳
懼肩秋風吹我髓秋露滴我肝我欲與秋敵秋先令我酸
歎息復歎息誰是長少年

盥漱已云畢危坐正冠衣覽鏡忽見我不識我爲誰自倚
身尚強不悟年已衰舉頭視嘉木向人慘無姿我欲訴渠
老渠乃懷秋悲木悲不解飲瑟瑟聲怨咨我且呼麴生細
細斟酌之我醉不知我更知春秋爲

噴照趣夕黯孤燈啓宵明老夫倦欲睡似醉復如醒寸心
無寸恨但如江海清秋蛩何爲者四面作怨聲淒惻竟未
已抑揚殊不平切切百千語逶迤三四更繞砌尋不得靜
坐復爭鳴有口汝自苦我醉不汝聽

秋曉寒何忍秋夕未難度青燈照書冊兩眼如隔霧拚卷
却孤坐塊然與誰語倒卧卧不得起行行無處屋角忽生
明山月到庭戶似憐幽獨人深夜約清照我吟月解聽月
轉我亦步何必更讀書且與月聯句

平生畏長夏一念願清秋如何遇秋至不喜却成愁書冊
秋可讀詩句秋可搜永夜宜痛飲曠野宜遠遊江南萬山
川一夕八寸眸請辦雙行纏何處無一丘

明發五峰寺

歸時路何近去時路何遠山路無短長人心有往返每因
赴官期一出謁鄉縣若非人事牽無奈老身懶初心作此
行夜雨醒醉眼孤愁念羣騶尺泥滑雙趺首塗天全濕回
轍雲半捲投寺借松牀呼僧同野飯頽然挂眠足得此行
役倦暫勞新不堪遐征舊所歎松菊豈不懷樊籠何時免
瘦藤要覓閒到了古道院

初入筠州界高岡鋪

千尺霜松夾道周國初涼織至今畱筠州舊是朝天路六

十年來行信州

路入號夾道松為涼徽樹

和尤延之見戲觸藩之韻以寄

儂愛山行君水遊尊前風味獨宜秋文戈却日玉無價器
寶羅胃金欲流欬唾清圓談者詘詩章精悍古人羞子房
莫笑身三尺會看功成自擇留

延之戲誠齋為羊誠齋戲
延之為蚌蟾詩所云云謂

讀退之李花詩

桃李歲歲同時並開而退之有花不見桃惟見李之句
殊不可解因晚登碧落堂望臨江桃皆暗而李獨明乃
悟其妙蓋炫晝縞夜云

近紅暮看失燕脂遠白宵明雪色奇花不見菴惟見李一
生不曉退之詩

郡圃曉步因登披仙閣

昨來風日較暄些破曉來遊特地佳也自低頭花下過依
前撞落一頭花

李花半落雪成堆末後桃花陸續開白錦地衣紅錦帳侵
晨供張等儂來

初夏玉井亭晚立

冶蕊倡花一雨空鮮晴新漲未虧儂竹兼樹影眠天底人
凭欄干立鏡中看盡水衣投北岸方知今日是南風黃鸝
對語無尋處忽見雙飛入別叢

筠庵

故老談李仙昔日上寥廓隨身無長物止跨一隻鶴鶴本
非胎生古卵尚遺壳千年石似堅覆在鳳山脚寒宵晦風

雨神光照岩壑犬嗅鷄夜鳴龍泣人寢愕祇今筠菴是因
物非繩削當時菴破處作門不關鑰蓋以一把茅聊以護
霜霰遐瞻如釣翁蓑衣逐層着我來驗幽討尚疑俗諺謔
霧中披羽衣砌下脫芒屨入戶環仰觀中空生響諾不見
朱頂雛猶存雪色膜松梢雙老鶴憂然下簷角老夫忽心
驚不敢小盤礴

新暑追涼

去歲衝炎橫大江今年度暑卧筠陽滿園無數好亭子一
夏不知何許涼待得老夫親勘當更招幽鳥細商量朝慵
午倦誰相伴猶枕桃笙苦竹牀

碧落堂暮景輓轡體

碧落堂中夕眺餘一聲角裏裂晴虛滿城煙靄忽然合隔

水人家恰似無坐看荷山沉半脊急歸道院了殘書意行
花底尋燈處失脚偏嗔小吏扶

雨過郡圃行散

劍池一日百週遭雨後閑來照鬢毛主管園林營稱意巡
行荷芰驚宣勞不須見我還飛去便與移文告汝曹一事
惱人無問處南山高是北山高

碧落堂晚望荷山

荷山非不高城裏自不見一登碧落堂山色正對面如人
臥平地躍起立天半指揮出伏兵萬騎橫隔岸後乘來未
已前驅瞻已遠晨光到岩壑人物俱猜絢綠屏紛開閣翠
旗閃舒卷安得乘天虹橋虛度雲巘老鈴偶報事郡庭集
賓贊贊政化行也忽忽換山中默默下林坂

午憇筠菴

筠菴偶坐處適當樹闕間遠山不見我而我見遠山清風
隔江來宛轉入松關翠萼自搖扇白羽得暫閑可憐三竹
牀睡徧復循環秋暑自秋暑山寒自山寒小啗聊適意好
惡不必刪

答陸務觀道院佛祖之戲

老禪分得破叢林薄供微齋也不曾道院勑差權院事筠
菴身是住菴僧人間赤日方如火松下清風獨似冰別有
莫春沂水在為君一滴洒千燈

延之寄詩覓道院集遣騎送呈和韻謝之

與君髣髴總星星詩句輸君老更成別去多時頻夢見夜
來一雨又秋生故人金石情猶在贈我瓊瑤雪似清誰把

尤楊語同日不教李杜獨齊名

祇召還京題江西道院

病身祇要早投閒乞得高安政小安山水秋來渾是畫樓
臺高處日生寒登臨未足還辭去老大重來畢竟難碧落
翠微好將息清風明月夢中看

問途有日戲題郡圃

今朝郡圃放遊人懊惱遊人作撻春到得老夫來散策亂
吹花片總成塵商量歲後牢關鎖拘管風光屬病身造物
嗔儂先遣去遣儂儂去不須嗔

畱題筠菴以菴室用茅葢層出如簑衣然

茂林脩竹翠光中那得披簑一老翁白石砌成珠子徑黃
茅裹却水晶宮夏涼冬暖非人境雪打霜封即釣蓬老子

明朝便東去更攜瓦枕享松風

明發道經生米市隨喜西林寺畱題進退格

貪睡能無起挑燈強未殘春聲忙野店月色淡柴門又踏黃塵路前追紅葉村秋衣那敢薄病骨自難溫

義娥謠

中秋夜宿辟邪市詰朝早起曉星已上日欲出而月未落光景萬變蓋天下奇觀也作義娥謠以記之

義和夢破欲起行紫金畢逋啼一聲聲從天上落人世千村萬落鷄爭鳴素娥西征未歸去簌弄銀盤浣風露一丸玉彈東飛來打落桂枝雪毛兔誰將紅錦幕半天赤光絳氣貫山川須臾却駕丹砂轂推上寒空輾蒼玉一本此玉有雲漢昭

小憇上坊鎮新店進退格

下轎行新店排門得小軒中間一棊几相對兩蒲團椽竹青畱節簷茅白帶根明窓有遺恨接處紙痕斑

題十里塘夜景

物色當秋半登臨更夜闌山光倒眠水水影上搖山宿鷺都飛去漁人獨未還老夫與明月分割一清灣

過土笕岡

水落初宜菜亭荒不復茅牛分叉路口鶴立禿松梢秋熟方昇日朝涼更迥郊衰年走塵鞅何計返雲巢

入玉山七里頭

諸村不雨數旬餘此地瀕江萬寶蘇晚紫豆花初總角早黃稻穗已長須回頭金步野蹊遠當面玉山秋塢孤偶見

年時解船處客愁依舊挂菰蒲筠洪小路至餘千金步市初出官給路

宿查瀨

寒流一帶檻前橫落日諸峰霞外明水斷新洲添五里客尋舊路却重行江車自轉非人踏沙碓長春徹夜鳴疇昔穉桑今秃樹如何白髮不教生

晨炊泊楊村

沙步未多遠里名還異原對江穿野店各路入深村秋水乘新汲春芽煮不渾舟中爭上岸竹裏有清樽

九月一日夜宿盈川市

下灘一日抵三程到得盈川也發更兩岸漁樵稍燈火滿江風露更波聲病身只合山間老半世長懷客裏情天星如玉李伴人不睡向人明

下橫山灘望金華山

篙師只管信船流不作前灘水石謀却被驚湍旋三轉倒將船尾作船頭

山息江情不負伊兩姿晴態摠成奇閉門覓句非詩法只是征行自有詩

出橫山江口

白壁當江岸青旗定酒家斷崖侵屋窄細路入門斜縣近瞻雙塔洲橫隔一沙何須後來客始信此詩嘉

過橫山埭下

隔岸山迎我沿江柳拜人日搖秋水面波閃白龍鱗不遣船迷路俱從埭問津一生將玉鏡千古照金身

過烏石大小二浪灘俗呼為郎因戲作竹枝歌二首

灘聲十里響千聲躍雪跳霜入眼奇記得年時上灘苦如今也有下灘時

小郎灘下大郎灘伯仲分司水府關誰為行媒教作贅小姑山與大姑山

晚過側溪山下

看山妙處幾曾知落照斜明始覺奇皺盡衣裳紋欲裂爭先頭角遠相追松梢別放六峰出江底倒將千嶂垂一路詩篇渾漫與側溪端的不相虧

夜宿東渚放歌

看山須看山表裏不然看山還誤事平時只愛萬峰青落日惟存數尖紫浙江船上多少人往來看山誰識真丁寧舟人莫浪語却恐兒輩不肯去

跋徐公仲省翰近詩

傳派傳宗我替羞作家各自一風流黃陳籬下休安脚陶謝行前更出頭

自跋江西道院集戲答客問

問我來朝南內南便從花底趨朝參新詩猶作江西集為帶筠州刺史銜時召命筠州守臣奏事

舟中新暑止酒

新暑酒不宜作熱妨夜睡不如看人飲亦自有醉意彼飲吾為嚙所美過於味同舟笑吾癡吾不羨渠醉安知醉與醒誰似誰不似一作是

過弋陽觀競渡

急鼓繁鉦動地呼碧琉璃上兩龍趨一聲翻倒馮夷國千

載淒涼楚大夫銀椀錦標夸勝捷畫橈繡臂照江湖三年
端午真虛過奇觀初逢慰道塗

五月一日過貴溪舟中苦熱

半月陰涼天氣佳今朝新暑不饒些一生怕熱長逢熱千
里還家未到家人却船來那得出恰方日午幾時斜勸君
莫愛高官職行路難時却怨嗟

端午前一日阻風鄱陽湖觀競渡

惡風夜半阻歸船端欲畱人作勝緣千里攜家觀競渡五
湖新漲政黏天掉翻波浪山如雪醉殺兒郎喜欲顛得去
更佳畱亦好吾曹何處不忻然

送吉州太守朱子淵造朝

公在鄕邦我在京有書終不慰生平西歸一見還傾蓋夜
坐相看話短檠老去不堪頻送客古來作惡是離情雲泥
隔斷從今始肯倩征鴻訪死生

鄱湖上巳

尋春不見只思還在萊仙小崦間映出一川桃李好只
消外面矮青山

披仙閣上觀酴醾

仰架遙看時見些登樓下瞰脫然佳酴醾蝴蝶渾無辨飛
去方知不是花
酴醾約我早來看及至來看花已殘動地寒風君莫怯亂
吹香雪灑鬪于

塹荷池水

雨中來看塹池塘自與畦丁細校量更放水痕高幾許浮

荷猶剩若干長

筠菴午憇

筠菴稍不至一至一回好風從林梢落吹亂竹根草屨
上下涼鶯鶻左右噪市聲元不近靜聽遠亦到石磴坐來
溫蘚徑淨如埽書空作愁字已忘偏旁了猶自忘了愁而
况記得老客來談世事欲笑還嬾笑

玉井亭觀荷

藻仙初出波照日穉猶怯密排碧羅蓋低護紅玉頰館之
水精宮瓌以琉璃堞珠明浮盤戲酒漾流杯擘青筆尖欲
試綠牋皺還摺老龜大於錢辛勤上團葉忽聞人履聲入
水一何捷

後圃散策

花徑雨後涼樹聲風外戰杖屨似輕鬆兒女同行散少者
前已失老者後仍倦隔林吹笑語相聞如對面明明去人
近眇眇彌步遠松杉滿地影一瞬息不見仰觀紫日輪偶
度白雲片佳處畱再來前山未須徧

觀迎神小兒社

花帽銖來重綃裳水樣秋強行終較嬾妍唱却成羞鸚鵡
栖葱指芙蓉載錦舟休看小兒社只益老人愁

新秋晚酌

胡床東鄉坐秋風忽淒其老夫衰病骨急令閉東扉西扉
亦半掩壓風作東吹何必風及我風入涼自馳晚蟬是誰
說我飲渠便知飛從何方來徑集庭樹枝三嘆復九詠話
盡新秋悲我老悲已忘汝語復爲誰老烏啼一聲不知蟬

所之

題碧落堂

仙人白日上青冥千載如聞月下笙南北萬山俱在下中間一水獨穿城江西箇是絕奇處天下幾多虛得名滕閣孤臺非不好祇緣猶帶市朝聲

羅溪望夫嶺

小憇村店問嶺名云望夫七娘歲旱禱雨必應藁砧不寄大刀頭化作峰頭石也愁豈有心情管風雨向人彈淚繞天流

羅溪道中

每歲秋猶熱今年閏故涼松稀青有數山遠碧無常陣陣金風細家家玉粒香祇言官路短堠子暗添長

秋山

烏臼平生老染工錯將鐵卓作猩紅小楓一夜偷天酒却倩孤松揜醉容

觀水歎二首

我方卧舟中仰讀淵明詩忽聞灘聲急起視惟恐遲八月濺飛雪清覽良獨奇好風從天來翛然吹我衣涼生固足樂氣變亦可悲眷然慨此水念我年少時迄今四十年往來幾東西此日順流下何自泝流歸出處未可必一笑姑置之

亂石厄江水要使水無路不知石愈密激得水彌怒回鋒打別港勇往遮不住我舟歷諸灘閱盡水態度一聞一喜觀屢過屢驚顧不是見不多觀覽不足故舟人笑我癡癡

點未易語

舟過柴步寺

野寺隔疎樾遠舟見溪殿獨逕通絕崖長縈度微線曩遊
攜童弱攀岸已震眩前瞻足未到下窺意先轉朝來經雲
根塵息起清羨野夫三三輩走過疾于箭俛仰二十年
老懷昔健

宿蘭溪水驛前三首

繫纜蘭溪岸開襟柳驛窻人爭趨夜市月自落秋江燈火
疎還密帆檣隻更雙平生經此縣今夕駐孤幢
合眼波吹枕開篷月入舩奇哉一江水寫此二更天剩欲
酣清賞翻愁敗醉眠今宵懷昨夕雨卧萬峰前
水色秋逾白山光夜不青一片畫天月萬粟種江星小酌

居然醉當風不覺醒誰家教兒子清誦隔疎櫺

過白沙竹枝歌

東沿西泝浙江津去去來來暮復晨上岸牽檣推穉子隔
舩招手認鄉人

朝天續集鈔

和陸務觀見和歸館之韵

六二

君詩如精金入手知價重鑄作鼎及鼎所向一一中我如
 鴛並驥夷塗不應其難追紫蛇電徒掣青絲鞚折膠偶投
 漆異榻豈同夢不知清廟茅可望明堂棟平生憐坡老高
 眼薄蕭統渠若有荷那心竹師晉宋破琴聊再行新笛正
 三弄因君發狂言湖山春已動

讀笠澤叢書

笠澤詩名千載香一回一讀斷人腸晚唐異味同誰賞近
 日詩人輕晚唐

松江縣尹送圖經中有唐詩喜不勝看到燈青仍火冷雙
 眸如割脚如冰

拈着唐詩廢晚餐
傷人笑我病如癩
世間尤物言西子
西子何曾直一錢

五更過無錫縣寄懷范叅政尤侍郎

蘇州欲見石湖老
到得蘇州發更早
錫山欲見尤梁溪
過却錫山元不知
起來靈巖在何許
回首惠山亦何處
人生萬事不可期
快然却向常州去

晚風

晚日暄溫稍霽威
晚風豪橫大相欺
做寒做冷何須怒
明早一霜誰不知

晚風不許鑑清漪
却許重簾倒地垂
平野無山遮落日
西窗紅到月來時

題連滄觀呈太守張幾中

開窓納盡大江秋
半天飛樓不是樓
獨立南徐鼇絕頂
下臨北固虎回頭
蒜山舊址空黃鶴
瓜步新城照白鷗
好事主人酌詩客
風煙一眼到揚州

丹陽舍舟登陸渡江

小泊樓船鐵甕城
匆匆又作絕江行
看他蠟燭幾回剪
聽盡鷄聲不肖明
水底霜寒還十倍
夜來月上恰三更
篙師好事君知否
江面侵晨鏡樣平

舟過揚子橋遠望

此日淮堰號北邊
舊時南服紀淮壖
平蕪盡處渾無壁
遠樹梢便是天
今古戰場誰勝負
華險要豈山川
六朝未可輕嘲謗
王謝諸賢不偶然

過高郵

解纜維揚欲夕陽過船覆盎已晨光夾河漁屋都編荻背
日船蓬尚滿霜城外城中四通水隄南隄北萬垂楊一州
斗大君休笑國士秦郎此故鄉

初食淮白魚

淮白須將淮水煮江南水煮正相違霜吹柳葉都落盡魚
喫雪花方解肥醉臥糟丘名不惡下來鹽豉味全非饕人
且莫供羊酪更買銀刀二尺剛

淮人云白魚食雪乃肥

初入淮河四絕句

船離洪澤岸頭沙人到淮河意不佳何必桑乾方是遠中
流以北即天涯

劉岳張韓宣國威趙張二將築皇基長淮咫尺分南北淚
濕秋風欲怨誰

兩岸舟船各背馳波痕交涉亦難為只餘鷗鷺無拘管北
去南來自在飛

中原父老莫空談逢着王人訴不堪却是歸鴻不能語一
年一渡到江南

題盱眙軍東南第一山

建隆家業大于天慶曆春風一萬年廊廟謀謨出童蔡笑
談京洛博幽燕白溝舊在鴻溝外易水今移淮水前川后
年來世情了一波分護兩涯船

初食太原生蒲萄時十二月二日

淮南蒲萄八月酸只可生喫不可乾淮北蒲萄十月熟縱
可作羓也無肉老夫臘裏來都梁釘坐那得馬乳香分明
猶帶龍鬚在徑寸玄珠肥十倍太原清霜熬絳錫甘露凍

言齊草天卷集金 三
作紫水精隆冬壓架無人摘雪打冰封不曾拆風吹日炙
不曾腊玉盤一朵直萬錢與渠傾蓋真忘年君不見道逢
麴車口流涎

與長孺共讀東坡詩前用唐律後用進退格

急性平生不少徐讀書不喜喜觀書十行俱下禾心醒兩
目頓昏還月餘偶與兒曹繙故紙共看詩句煮春蔬問來
却是東坡集久別相逢味勝初
枉着平生讀少書分明便是蠹書魚萬籤過眼還休去一
字經心恰似無急讀何如徐讀妙共看更勝獨看渠翹生
冷笑仍相勸惜取殘零覓句鬚

嘲淮風進退格

絮帽貂裘莫出船北窗最緊且淡關顛風無賴知何故做

雪不成空自寒不去掃青天北霧只來捲起浪頭山便能
吹倒僧伽塔未直先生一笑看

雨作抵暮復晴

細雨如塵復似烟兩淮渡口各收船南商北賈俱星散古
廟無人燒紙錢

前苦寒歌

四大海潮打清淮三萬里風平地來龜山橫身攔不住潮
波怒飛風倒回欲晴不晴雪不雪併作苦寒凍人絕古寺
大鐘十字裂東山石崖一峰蹙勸君莫出君須出冰脫君
髯折君骨

後苦寒歌

白鷗立雪雁透冷鷓鴣避風飛不正一雙野鴨欺晚寒出

沒水河底心性絕憐紅船黃帽郎綠簑青蒻牽牙橋生愁
墮指脫兩耳蘆花亦無何許藏遣騎前頭買乾荻速烘煇
火與一炙三足老鴉不肯出看雲訴天天不泣

雪小霽順風過謝陽湖

都梁三日雪沒屋小船行水如行陸山陽一朝帆遇風大
船行水如行空昨來牽夫凍得泣買蘆爨衣蘆自濕朝來
牽夫皆上船收纜脫中篷底眠樓船忽然生兩翼橫飛直
過陽侯國千村 抹片子時四岸人家眼中失似聞咫尺
是揚州更數寶應兼高郵青天萬里當徑度不堪回首都
梁路

竹枝歌有序

晚發丹陽館五更至丹陽縣舟人與牽夫終夕有聲蓋

吟謳嘯謔以相其勞者其辭亦略可辨有云張哥哥李
哥哥大家着力一齊拖又云一休休二休休月子彎彎
照幾州其聲淒婉一唱衆和因槩括之爲竹枝云

吳儂一隊好兒郎只要船行不要忙着力大家齊一拽前
頭管取到丹陽

莫笑樓船不解行識儂號令聽儂聲一人唱了千人和又
得蹉前五里程

船頭更鼓恰三槌底事荒鷄早箇啼戲學當年度關客且
圖一笑過前溪

岸旁燎火莫闌殘須念兒郎手脚寒更把綠荷包熱飯前
頭不怕上高灘

月子彎彎照幾州幾家歡樂幾家愁愁殺人來關月事得

休休處且休休

幸自通宵暖更晴何勞細雨送殘更知儂笠漏芒鞋破須
遣拖泥帶水行

垂虹亭看打魚斫鱠

橋柱疎疎四寂然亭前突出小魚船一聲磔磔鳴榔起驚
出銀刀躍玉泉
六隻輕舸攬四旁兩船不動水中央網絲一撒還空舉笑
得倚欄人斷腸

過太湖石塘二首

每過松江得偉觀玻璃盆底飢乾坤天邊島嶼空無際烟
外人家澹有痕笠澤古今多浪士包山近遠在何村季鷹
魯望何曾死雪是衣裳月是魂

兀坐船中只欲眠不如船外看山川松江是物皆詩料蘭
漿穿湖卽水仙將取垂虹亭上景都歸却月觀中篇正綠
王事游方外鑿齒彌天未當賢

過八尺遇雨

垂虹登了劣歸船又復毛空暗水天節裏無多好天色闌
風長去聲雨餞殘年

去年今日鳳山頭兒女團欒爭勸酬不及松江烟雨裏獨
搔華髮一扁舟

過平望

豈但湖天好諸村揔可人麥苗染不就茅屋畫來真行止
隨緣着江山到處新十年三過此贏得髯如銀
行得三吳徧清漪最是蘇樹圍平野合水隔別村孤震澤

非塵世松陵是畫圖更添一詩老載雪過重湖

小麥田田種垂楊岸岸栽風從平望住雨飭下塘來亂港
交穿市高橋過得桅誰言破書筴擔取太湖回

秀州嘉興館拜賜春幡勝

中使傳宣下紫宸鏃頭濃染御香雲綵幡耐夏宜春字寶
勝連環曲水紋癡似土牛鞭不動老登金馬媿無聞強簪
華髮知難稱只有新詩頌萬分

幡勝用鏃頭紙貼

大兒長孺赴零陵簿示以雜言

長孺舊名仁壽

好官易得忙不得好人難做須着力汝要作好官令公書
考不可鑽借令巧鑽得遺臭千載心爲寒汝要作好人東
家也是橫日民選官無逸處却與天地長青春老夫今年
六十四大兒壯歲初筮仕先人門戶冷如水豈不願汝取

高位高位莫愛果愛了高位失丈夫老夫老則老官職不
要討白頭官裏捉出來生愁無面見草萊老夫不足學聖賢
有前作譬如着棋着到國手時國手頭上猶更儘有着

正月五日以送伴借官待宴集英殿十口號

殿下鞭聲再掣雷玉皇徐下九天來陰晴不定朝來定五
色祥雲霍地開

一點班行朝漢天英符來自玉門關舊時千歲琵琶語新
學三聲萬歲山

金鬣後倪立玉臺雙瞻御坐首都回水沉山麝薔薇露凝
作香雲噴出來

千官拜舞仰虛皇奉上瑤池萬壽觴殿上雙傳送御酒檻
前一曲繞虹梁

大極香開萬物新
紹熙天子燕羣臣
梨園好語君須聽
玉曆初頒第一春

詞臣倪玉甫撰致語口號云玉曆初頒第一春

已賜儀鸞錦坐蒲
起來再立聽傳臚
君王欲勸羣臣酒
宣示天杯一滴無

猛七緣竿亦壯哉
踏空舞濶四徘徊
一聲白雨催花鼓
十竿頭揔下來

賜花新剪茜香羅
纂徧烏紗未覺多
花重紗輕人更老
擡頭不起奈春何

廣場妙戲鬪程材
纔得天顏一笑開
角觚罷時還罷宴
卷班出殿戴花回

賀老如何尾從班
真官也作假官看
君王恩重無真假
賜酒何曾味兩般

汨舟臨平

前窓向市下却簾
後窓臨水開却門
岸頭楊柳報春動
溪底雲天隨浪翻
隔溪數間黃草屋
繞屋千竿翠瓊竹
三老鳴鉦儀柁樓
今宵又向臨平宿

謝王恭父贈梁杲墨

君不見蜀人文字
天下工前有相如
後楊雄君不見蜀
人烏九天下妙前
有蒲韶後梁杲初
得梁墨竊摹糊老
夫道梁不及蒲蓬
山藏室王校書笑
我未識真玄菟兩
圭水蒼笏雙團點
漆璧一併贈老夫
此意已金石洮州
綠玉試松花星潭
黑雲走風沙龍蛇
起陸鷹入骨却愁
雷電奪神物

過臨平蓮蕩

蓮蕩層層鏡樣方
春來嫩玉斬新黃
角頭一一張蘆箔
不

道魚蝦過別塘

迎蕩中央劣露沙上頭更着野人家籬邊隨處插垂柳簷
下小船繫釣車

朝來採藕夕來魚水種菱荷岸種蘆寒浪落時分作蕩新
流漲後合成湖

人家星散水中央十里芹羹菰飯香想得薰風端午後荷
花世界柳絲鄉

麥

無邊綠錦織雲機全幅青羅作地衣此是農家真富貴雪
花銷盡麥苗肥

春菜

雪白蘆葍非蘆葍喫來自是辣底玉花葉蔓青非蔓青喫

來自是甜底冰三館宰夫傳食籍野人蔬譜渠不識用醢
不用酸用鹽不用醢鹽醢之外別有味薑芽棖子仍相參
不甑亦不釜非蒸亦非煮壞盡蔬中腴乃以烟火故霜根
雪葉細縷來蕤瓶夕暮明朝開貴人我知不官樣肉食我
知無骨相祇合南溪嚼菜根一尊徑醉溪中雲此詩莫讀
恐黷殺要讀此詩先提舌提一作提

過平望

望中不着一山遮四顧平田接水涯柳樹行中分港汶竹
林多處聚人家風將春色歸沙草天放晴光入浪花午睡
起來情緒惡急呼蟹眼淪龍芽

月夜阻風泊舟太湖石塘南頭

動地顛風政打頭吳江未到且維舟五湖波起衆山動一

片月明千里愁且更放遲些子睡看他盛怒幾時休陽侯
要與詩人敵未必詩人愉一籌

過湖未得匹如閑何幸湖心泊畫船宇宙中間都是月波
濤外面更無天誰知造物將奇觀不與儉人付謫仙山領
渠儂無一物鏤冰剪雪竹新篇

新年乘興看春風來過巫虹東復東誰有功夫寒夜底獨
尋水月五湖中今宵頓覺乾坤大下筆惟愁造化窮太白
青山謝公海可憐一笑偶然同

姑蘇館上元前一夕陪使客觀燈之集

節物催人又一年銀花蓮炬照金尊麝鎚官樣陪公讌粉
繭鄉風憶故園何似兒孫談草草不妨燈火半昏昏人生
行止誰能料今夕蘇州看上元盧陵之僚元夕粉米爲繭
中藏古語刺之以占一歲

至洪澤

今宵合過山陽驛泊船問來是洪澤都梁到此只一程却
費一宵兼兩日政緣夜來到濱頭打頭風起浪不休舟人
相賀已入港不怕淮河更風浪老夫搖手且低聲驚心猶
恐淮神聽平急呼津吏催開問津吏叉手不敢答早潮已
落水入淮晚潮未來聞不開細問晚潮何時來更待玉蟲
綴金釵

過磨盤得風掛帆

兩岸黃旗小隊兵新晴歸路馬蹄輕全番長笛橫腰鼓一
曲春風出塞聲鵲噪鴉啼俱喜色船輕風順更兼程却思
兩目淮河浪心悸魂驚尚未平

過楚州新野城

已近山陽望漸寬湖光百里見千村人家四面皆臨水柳樹雙垂便是門全盛向來元孔道雜耕今是一雄藩金湯再葺真長策此外猶須子細論

過寶應縣新開湖

漁家可是壓塵囂結屋圓沙最盡稍外面更栽楊柳樹上頭無數鷺鷥巢

雨裏樓船卽釣磯碧雲便是綠簑衣滄波萬頃平如鏡一隻鷓鴣貼水飛

天上雲烟壓水來湖中波浪打雲回中間不是平林樹水色天容折不開

五湖佳處是荒寒却爲無山水更寬歸去江南無此景未須吃飯且來看

過九里亭

水渚纔空足漁家便架椽屋根些子地簾外不勝天岸岸皆垂柳門門一釣船五湖好風月乞去聲與不論錢

再賦石翁石婆

石翁誰怒猶睥目石婆多愁鬢先禿荒山野水四無人二老對立今幾春珠襦玉匣化爲土金雁銀鳧亦飛去知是六朝何帝陵摩娑碧蘚俱無語

觀張功父南湖海棠杖藜走筆

看盡都城種海棠只將一徑引教長約齋妙出春風手人在中央花四傍

天工信手洒明霞若遣停勻未必佳却得數株多葉底殷

勤觀出密邊花

走筆謝張功父送似醪醑

西湖野僧夸藏冰半年化作真水精南湖詩人笑渠拙不
如儂家解乾雪藏冰窖雪山之幽鏡透九地山鬼愁儂家
藏雪有妙手分明曬在翡翠樓向來吳二拉滕六玉妃夜
投玉川屋剪冰作花吹朔風揉雲爲粉散寒空醉揮兩袖
拂銀漢稍頭萬斛冷不融瓊田擊月拾翠羽砌成重樓天
半許盤作青蛟吐綠霧亂飄六出薰沉炷人間雪脆那可
藏天上雪落何曾香三月盡頭四月首南湖香雪今誰有
分似誠齋老詩叟碎接玉花泛春酒一飲一石更五斗

記丘宗卿語紹興府學前景

鏡湖泮宮轉街曲纔隔清溪便無俗竹橋斜度透竹門墻
根一竿半竿竹恰思是間宜看梅忽然一枝橫出來霜幹
皴裂臂來大只着寒花三兩箇

贈寫真水鑑處士王溫叔

我不如森森千丈松我不如濯濯春月柳髯疎髻禿已雪
霜皮皴肉皴真老醜葉生晝時顏尚朱王生晝時骨更矍
一生愛山吟不就兩肩化作秋山瘦君不見褒公鄂公圖
凌烟腰間羽箭大如椽君不見浣花醉圖粉墨落日斜泥
滑驢失脚貴人寒士兩相嗤晝圖猶在人已非王生王生
且停手不如生前一杯酒

銜命郊勞使客船過崇德縣

岸樹低欹一雪餘枝頭半葉已全無油窻過盡千梢影濃
處還濃枯處枯

望多稼亭

遙望城頭多稼亭，亭邊霜檜老更青。當年老守攜穉子，芒鞋葵扇繞城行。臘前移梅春插柳，蹋雪衝泥不停手。柳未成陰梅未花，著帽又迎新太守。後來新守復迎新，到新知幾人向來手。植今在否寄與此詩聊問春。

舟中追和張功父賀赴召之句

兩歲千愁寡一欣，故人多問謝張君。又瞻東闕闕前月，只負南溪溪上雲。賓日扶桑遭聖旦，客星釣瀨愧天文。人生離合風前葉，聚首亡何復離羣。余所居里名南溪

又追和功父病起寄謝之韻

霜何曾傍繡簾寒，酒不能令客臉丹。勤向竹爐溫手脚，嬾尋銅鏡整衣冠。無人孤坐月將落，擁鼻清吟夜向闌。忽憶

約齋詩債在，自吹燈火起來看。

曉過丹陽縣

風從船裏出，船前漲起簾。幃紫拂天點，檢風來無處覓。破窗一隙小於錢。

雞犬漁翁共一船，生涯都在簑篷間。小兒不耐初長日，自織筠籃勝打閑。

過張王廟

地迴人煙寂，山盤水勢回。怪松欹岸出，古廟背河開。晚色催征棹，斜陽戀去桅。丹徒誰道遠，一眺正悠哉。

湖天暮景

湖面黏天不見堤，湖心菱葑水周圍。暮鴻成陣鴉成隊，已落還飛久未棲。

誠齋朝玉繩集卷之十三
坐看西日落湖濱不是山銜不是雲寸寸抵來忽全沒分
明入水只無痕

抵暮漁郎初上船一竿搖入水精天忍寒不睡妨底事來
早賣魚充酒錢

瑀碎肝脾只坐詩鬚髯成雪髻成絲暮雲薄倖斜陽劣合
造清愁付阿誰

斷腸浪說賀方回未抵秦郎剪水才欲向湖邊問遺唱鴛
鴦鸚鵡兩相催

舟中不寐

醉去昏然卧綠窻醒來一枕好淒涼意中爲許無佳况夢
裏分明到故鄉淮水打船千浪雪燕鴻叫月滿天霜山城
更點元無準偏到雞鳴分外長

過淮陰縣題韓信廟

鴻溝祗道萬夫雄雲夢何銷武士功九死不分天下鼎一
生還負室前鍾古來大斃愁無蓋此後禽空悔作弓兵火
荒餘非舊廟三間破屋兩株松

雪曉舟中生火

烏銀見火生綠霧便當水沉一濃炷却因斷續更氤氳散
作霏微煖袍袴須臾霧霽吐紅光煙如雲表生扶桑陽春
和日曛滿室蒼顏渥丹疑醉鄉忽然火冷霧亦滅只見紅
爐堆白雪窗外雪淡三尺強窗裏雪淡一寸香

烏銀玉質金石聲見火忽學爆竹鳴膈膈騰久不停白
日坐上飛繁星不知何怒泄不平不知何喜啣啣吟待渠
自靜勿與爭功莫借箸怒復生到渠絨口兩耳熱銅瓶在

旁却饒舌

題金山妙高臺

金山未到時美渠奄有萬里之長江金山既到了長江不見只見千步廊老夫平生不奈事點檢風光難可意老僧覺我見睫眉引入妙高臺上嬉不知老僧有妙手卷舒江山在懷袖挂上西牕方丈間長江浮在爐煙端長江南邊千萬山一時飛入兩眼寒最愛簷前絕奇處江心巉然景純墓僧言道許乃浪傳龍宮特書珠貝編初云謝靈運愛山如愛命掇取天台雁蕩怪石頭疊作假山立中流又云王逸少草聖入神妙天賜瑠璃筆格玉硯屏仍將大江作陶泓老夫聞二說沉吟未能決長年抵死催上船徘徊欲去空茫然

桑疇

夾岸瀕河種穉桑春風吹出萬條長船行老眼渾多志喚作西湖插拒霜

竹林

珍重人家愛竹林織籬辛苦護寒青那知竹性元薄相須要穿來籬外生

賦金盤露椒花雨

吾家酒名敷腴者曰金盤露芳烈者曰椒花雨

金盤夜貯雲表露椒花曉滴山間雨一消不用鴨綠波雙清釀出鵝黃乳老妻知我憎官壺還家小槽壓真珠江西擔取來西湖遣我醉倒不要扶更攜數尊往淮上要夸親舊藏家釀祇堪獨酌不堪分老夫猶要入修門

岸柳

柳梢拂入溪雲陰柳根插入溪水深
祇今立岸一做帝歸時弄日千黃金
人生榮謝亦如此謝何足怨榮何喜秋霜
春雨自四時老夫問柳柳不知

松江曉晴

昨夜何緣不峭寒今晨端要放晴天
窗間波日如樓上簾外霜風似臘前
近水人家隨處好上春物色不勝妍
歸時二月三吳路桃杏香中慢過船

泊平江百花洲

吳中好處是蘇州却爲王程得勝遊
半世三江五湖棹十年四泊百花洲
岸傍楊柳都相識眼底雲山苦見留
莫怨孤舟無定處此身自是一孤舟

過新開湖

漁郎艇子入重湖老眼殷勤看著渠
看去看來成怵事化為獨雁立橫蘆
一鷗得得隔湖來瞥見魚兒眼頓開
只爲水深難立脚翩然飛下却飛回
遠遠人煙點樹梢船門一望一魂消
幾行埜鴨數聲雁來爲湖天破寂寥

瓦店雨作

斜風吹雨打船窗一陣疎來一陣忙
聽作山齋聲點滴不知作客在山陽
詩人長怨沒詩材天遣斜風細雨來
領了詩材還又怨問大風雨幾時開

過淮陰縣

索莫淮陰縣人家草草中
荻籬緯春勝茅屋學船蓬
今日非昨日南風轉北風
霍然香霧散放出一輪紅

題沈子壽旁觀錄

逢著詩人沈竹齋
丁寧有口不須開
被渠譜入旁觀錄
四馬如何挽得回

送吳敏叔待制侍郎

脚踏雞翹豹尾間
心飛碧岫白雲端
人看疎傅如圖畫
帝念嚴光返釣灘
玉殿松班唐次對
竹宮茅立漢祠官
自憐病鶴樊籠底
方羨冥鴻片影寒

江東集鈔

題張以道上舍寒綠軒

六四

菊芽伏土糝青粟
杞筴傍根埋紫玉
雷聲一夜雨一朝
森然送出如蕨苗
先生飢腸詩作梗
小摘珍芳汲水井
風爐蟹眼候松聲
眾離親撈微帶生
爛炊凋胡浙青精
莖以天隨寒綠萌
飢時作齋仍作羹
飽後龍鳳空烹烹
大官蒸羔壓花片
宰夫腠躡削瓊軟
豹胎熬出禍胎來
貴人有眼何曾見
天隨尚自有愁魔
愁杞作棘菊作莎
君不見黃金錢照紅玉
豆秋高更覺風味多
先生釀金鍊紅玉
自莎自棘如子何
金空玉盡苗復出
喫苗喫花并喫實
天隨白眼屠沽兒
不到有人頭上立

望姑蘇

成齋江東集鈔

曠野平中天四垂凍雲隙裏日平西水村人遠看來近茅
屋簷長反作低最愛河堤能底巧截它山脚不勝齊喜聞
借得姑蘇館百尺高臺入杖藜

辛亥元日送張德茂自建康移帥江陵

西湖一別忽三年白首相從豈偶然到得我來恰君去正
當臘後與春前醉餘犯雪追征帽送了凭欄望去船待把
衣冠挂神武看渠勳業上凌煙

金陵宮舍後圃散策

江梅未落杏花繁萱草都齊柳半勻却是淺寒花較耐東
風未要十分溫

三月三日上忠襄墳因之行散得絕句

長干橋外卽烏衣今著暑沾賣菜

宮猶碧草王

亭謝館儘黃鸝

遊人不是上墳回便是清湍禊事來最苦相逢無處避天
禧寺及雨花臺

女唱兒歌去踏青阿婆笑語伴渠行只虧郎罷優輕殺搨
子雙擔挈酒瓶

粉搜孩兒活逼真象生果子更時新輸贏一擲渾閑事空
手入城羞殺人

除却鍾山與石城六朝遺跡問難真里名只道新名好不
道新名悞後人

切記尋春預作謀教君行樂定成愁老夫乘興翩然出不
遣風知雨覺休

海棠二首

夢園不到負今晨晚喚嬌紅伴老身落日爭明那官暮艷
夜一出更無春樹間露坐看搖影酒底花光併入脣銀燭
不燒渠不睡梢頭恰恰挂冰輪

競豔嬌紅最是它教人嫌少不嫌多初酣曉日紅千滴晚
笑東風淡一渦自是花中無國色非關格外占春窠開時
豔與渠儂醉却恨飄零可若何

紅錦帶花

天女風梭織露機碧絲地上茜纒枝何曾繫住春歸脚只
解縈長客恨眉節節生花花點點茸茸晒日日遲遲後園
初夏無題目小樹微芳也得詩

送劉覺之歸蜀

余少時師事清純先生雩都知縣朝奉劉世臣世臣令

其子三人從余學其季則覺之也覺之流落大寧監後

二十九年復相見于金陵爲畱十日而別贈之長句

大江東西湖南北鵠袍學子森如竹何人開口不伊川阿
誰初導此水源清純先生劉夫子冷笑俗儒鑽故紙夢中
親見大小程爲渠刺船入洙泗嗟我結髮從先生日日看
子趨鯉庭先生命子却從我小窗短檠共燈火陋巷柴扉
共寒餓安知頭上天幾大子今行李寄大寧翩然束書遊
帝城袖中一卷經濟策天關九虎叫不磨朝來忽見毛生
刺看來看去更且喜風花聚散三十年何許飛墮老眼前
相逢幾日又相別珍重兩字不忍說我有故山江之西應
遣思歸不遣歸贈行聊借退之詩石頭城下一杯酒便是
此生長別離

遊定林寺卽荆公讀書處

鐘山已在萬山深更過鍾山入定林穿盡松杉行盡石
菴猶隔白雲岑

一箇青童一蹇驢九年來往定林居經綸枉被周公誤相
罷歸來始讀書

半破僧菴半補籬舊題無復壁間詩祇餘手植雙桐在此
外仍兼洗硯池

踏月敲門訪病夫問來還是雪堂蘇不知把燭高談許曾
舉烏臺詩帳無

初夏卽事

今日風光定自佳不寒不熱恰晴和百年人世行樂耳一
歲春歸奈老何芍藥晚花終是小戎葵新苔許來多俸錢

自笑渾無用祇合文江買釣簑

謝余處恭送七夕酒果蜜食化生兒

跟蹤兒孫忽滿庭折荷騎竹臂春鷲巧樓後夜迎牛女雷
鑰今朝送化生節物催人教老去壺觴拜賜喜先傾醉眠
管得銀河鵲天上歸來打六更子庚戌考試殿廬夜漏殺
五更之後復打一更問之
鷓入云宮漏有六更

新釀秦淮鴨綠坳旋熬炬妝蜜蜂巢來禽濃抹日半臉水
藕初凝雪一梢豈有天孫千度嫁枉同河鼓兩相嘲渠儂
有巧真堪乞不倩蛛絲罥果肴

中元前賀余處恭尚書禱雨沛然霑足

數點飄聲供晚晴二更傾瀉到天明雷驅雲氣如旋磨雨
徧山村却入城簞面頓無秋後暑簷牙最愛夢中聲尚書

幸有爲霖手偏洒江東作麼生

中元日午

雨餘赤日尚如炊亭午青陰不肖移蜂出無花絕糧道蟻
行有水邊歸師今朝道是中元節天氣過於初伏時小圃
追涼還得熱焚香清坐讀唐詩

道傍槿籬

夾路疎籬錦作堆朝開暮落復朝開抽心拒妝輕拖糝近
帶燕脂醞抹腮占破半年猶道少何曾一日不芳來花中
却是渠長命換舊添新底用催

方虛日斜再行宿烏山

多稼村村過垂楊店店迎偶然逢客子問得好山名投宿
忻猶早斜陽落更明僕人休進扇得似晚風清

圩丁詞十解

江東水鄉隄河兩岸而田其中謂之圩農家云圩者圍
也內以圍田外以圍水蓋河高而田反在水下沿隄通
斗門每門疏港以溉田故有豐年而無水患余自溧水
縣南一舍所登蒲塘河小舟至鎮水行十二里備見水
之曲折上自池陽下至當塗圩河皆通大江而蒲塘河
之下十里所有湖曰石臼廣八十里河入湖湖入江鄉
有圩長歲晏水落則集圩丁日具土石榘枝以脩圩余
因作詞以擬劉夢得竹枝柳枝之聲以授圩丁之脩圩
者歌之以相其勞云

圩田元是一平湖憑仗兒郎築作圩萬雉長城倩誰守兩
隄楊柳當防夫

何代何人作此圩石頑土膩鐵難如年年二月桃花水如律流歸石白湖

上通建德下當塗千里江湖繚一圩本是陽侯水精國天公勅賜上農夫

南望雙峰抹綠明一峰起立一峰橫不知圩裏田多少直到峰根不見塍

兩岸沿隄有水門萬波隨吐復隨吞君看紅蓼花邊脚補去脩來無水痕

年年圩長集圩丁不要招呼自要行萬杵一鳴千畚土大呼高唱總齊聲

兒郎辛苦莫呼天一歲脩圩一歲眠六七月頭無滴雨試登高處望圩川

岸頭石板紫縱橫不是脩圩是築城傳語赫連莫蒸土霸圖未必賽春耕

河水還高港水低千支萬派曲穿畦斗門一閉君休笑要看水從人指揮

圩上人牽水上航從頭點檢萬農桑卽非使者秋行部乃是圩翁曉按莊

宿孔鎮觀雨中蛛絲

雨打蛛絲不打蛛雨來蛛入畫簷隅網羅滿腹輸渠巧也只蠅蚊命屬渠

雨罷蜘蛛却出簷網絲少減再新添莫言辛苦無功業便有飛蟲密處粘

網羅最巧是蛛絲却被秋蚊聖得知粘着便飛來不再蛛

絲也解有疎時

發孔鎮晨炊漆橋道中紀行

斫地燒畬旋旋開豆花麻莢更菘栽荒山半寸無遺土田
父何曾一飽來

行穿詰曲更崔嵬野店柴門半未開阜莢樹陰黃草屋隔
籬犬吠出頭來

山村

一搭山村一搭奇不堪風物索新詩稻花雪白糝柳絮柘
子猩紅團荔枝行者自愁居者樂晴時節熟雨時泥問知
桐汭多程在未說宣城與貴池
歇處何妨更歇些宿頭未到日頭斜風煙綠水青山國籬
落紫茄黃豆家雨足一年生事了我行三日去程賒老夫
不是如今錯初識陶泓計已差

入建平界

溧水南頭接建平丫頭兒子便勤耕疎麻大豆已前輩菘
麥晚菘初後生席卷千山爲一囷天憐春種賜秋成不如
老圃今真箇樊子何曾透聖扁

早炊董家店

長亭淡處小亭奇雜蘆籠鞋亦有姿羊角豆纏松葉架鷄
冠花隔竹槍籬不辭雨臥風餐裏可惜橙黃橘綠時行到
前頭楊柳逕平分紅白兩蓮池

過謝家灣

行盡牛蹊兔徑中忽逢平野四連空意隨白鷺一雙去眼
過青山千萬重近領已看看遠領連峰不愛愛孤峰一丘

一餐知何意疎盡官人着牧童

轎中看山

買山安得錢有錢價不賤住山如冠玉人見我不見世言
遊山好一峰足雙繭峰外復有峰歷盡獨能徧不如近看
山近看不如遠請山畧退步容我與對面我行山忻隨我
住山樂伴有酒喚山飲有款分山饌隔水絕荒寒縈雲偏
倩絢雨滋青彌濛日炫紫還淺端居忽飛動遐逝卽回轉
孤秀呈復逃層尖隱還顯掇入轎中來置在几上玩劣行
三兩驛已閱百千變非我去匆搜皆渠來自獻寄言有山
人勿賣亦勿典金多汝安用價重山亦怨估若爲我低傷
廉又非願山已在胷中豈復有餘羨羨心固無餘更借山
一看

早炊高店

過雨溪山十倍明乍晴風日一番清白鷗池沼菰蒲影紅
棗村虛鷄犬聲食肉坐曹良媿死囊衣行步亦勞生不堪
有七今成九僮父年來老更僮

午熱憇中義渡

秋陽噴我緊追程急泊臨流一短亭摘索風巾些子倦蒼
茫水枕霎時醒單牌雙堠頭都白萬壑千巖眼強青不及
溪邊老亭父一生臥護竹窗櫺

道傍店

路傍野店兩三家清曉無湯况有茶道是渠儂不好事青
甕瓶插紫薇花

花果

野花山果絕芳馨借問行人不識名蜂蝶行糧猿鶴飯
生口分兩無爭

宿池州齊山寺卽杜牧之九日登高處

我來秋浦正逢秋夢裏重來似舊遊風月不供詩酒債江
山長管古今愁謫仙狂飲顛吟寺小杜倡情冶思樓問着
州民渾不識齊山依舊俯寒流

齊山五洞其一曰妙峯峰下有山谷

池口移舟入江再泊十里頭潘家灣阻風不止

七風五日吹江練江底吹翻作江面大波一跳入天半粉
碎銀山成雪片五日五更無停時長江倒流都上西計程
一日二千里今踰灤瀕到峨眉更吹兩日江必竭却將海
水來相接老夫早知當陸行錯斜一帆超十程如今判却
十程住何策更與陽侯爭水到峨眉無去處下梢不到忘
歸路我到金陵水自東只恐從此無南風

舟中排悶

江流一直還一曲淮山一起還一伏江流不宥放人行淮
山只管畱人宿老夫一出緣秋涼半塗秋熱難禁當却借
樓船順流下逆風五日殊未央老夫平生行此世不自爲
政聽天地只今未宥放歸程安知天意非奇事平生愛誦
謫仙詩百誦不熟良獨癡舟中一日誦一首誦得徧時應
得歸

丁家洲避風行小港出荻港大江

蓼岸藤灣隔盡人大江小港繞成輪圍蔬放荻不爭地種
柳堅堤非買春匏瓠放教俱上屋漁樵相倚自成隣夜來
更下西風雪蕎麥稍頭萬玉塵

荻籬蕭灑織來新茅屋橫斜畫不真乾土種禾那用水

有禾元非田畝濕蘆經火自成薪斫蘆卧地而島居莫笑三百里

菜把活他千萬人丁家洲闊三百里口白浪打天風動地

何曾驚着一微塵

江天暮景有歎

一鷺南飛道偶然忽然百百復千千江淮總屬天家管不
宜營巢向北邊

過宜福橋

水鄉澤國最輸農無旱無乾只有豐碧豆密爭桑蔭底綠
荷雜出稻花中是田是沼渾難辯何地何村不同若遣
明年無種子却愁閑殺雨和風

宿峨嵋橋化城寺

一溪秋水一橫橋近路人家却作遙柳遶溪邊荷遶屋何
須更着酒旗招

忽從平地上高城乃是圩塘隄上行厚賽柳神銷底物長
腰雲子潤腰菱

宿放牛亭秦太師墳菴

函關只有一穰侯瀛館寧無再帝丘天極八重心未死台
星三點折方休只看壁後新亭策恐作移中屬國羞今日
牛羊上丘隴不知丞相更嗔不

暮年起大獄必殺張德遠胡邦衡等五十餘人不知諸公殺盡將欲何為奏垂上而卒故有新亭之句然初節似蘇子卿而晚謬

新酒歌

官酒可憎老夫出家釀二缺一日桂子香一日清無底
風味凜冽歌以紀之

酸酒醞湯猶可嘗甜酒蜜汁不可當老夫出奇釀二缸生民
以來無杜康桂子香清無底此米不是雲安米此水祇是
建鄴水甕頭一日遶數巡自候酒熟不倩人松槽葛囊纔
上榨老夫脫帽先嘗新初愁酒帶味一杯徑到天地
外忽然玉山倒甕邊只覺劍鋒割腸裏杜撰酒法不是儂
此法來自太虛中酒經一卷偶拾得一洗萬古甜酒空酒
徒若是嘗儂酒先挽天河濯渠手却來舉杯一中之換君
仙骨君不知

睡覺

小醉如無酒寒宵似度年覺來因記夢醒去不成眠萬事
從心下三更到眼前清愁政無那一雁叫霜天

至後睡覺

匆匆又過一陽生睡恰濃時夢忽驚簾幕淡沉人四寂階
除點滴雨三更燈搖芒角開成暈風吸窗櫺過後聲不是
寒鷄寒似我如何不宵喚天明

宿金陵鎮棲隱寺望橫山

再見橫山滴眼新山僧勸我脫官身燈籠簫鼓村村社酒
酸鶯花處處人忽憶諸公牡丹會轉頭五柝去年春野雲
墟月空荒寺兩袖寒風一帽塵

明發棲隱寺

木魚一呼衆僧聚老夫登車欲前去仰頭見天俯見地明
明是晝不是暮如何今晨天地間咄咄怪事滿眼前將爲
是夜着月輪已沒星都落將爲是晝休銀河到曉爛不收
皎如江練橫天流中流點綴金沙洲元來海底早浴日雲

師閉關不教出羲和揮斧斫雲關取將一道天光還天光
淡青日光白道是雲漢也則得雲師強狠趕不奔堆作沙
洲是碎雲

寒食日晨炊姜家林初晨之次日也

百五佳晨匹似無合教追節却離居萬家寒食初歸燕
老春衫政蹇驢耄柳已僧何再髮孺槐纔爪可遲梳兒書
早問歸程日不用噴渠只笑渠

午憇褚家坊春風亭

此老忒疎放與春無怨思何須寒食日恰是別家時荒店
兩三隻野花千萬枝前山有底恨也學客顰眉
莫道迎春好迎春是送春可憐一條路知老幾多人坦綠
偏宜襪飄紅并作網青帘好消息今日榨頭新

宿新市徐公店

春光都在柳梢頭揀折長條插酒樓便作在家寒食看村
歌社舞更風流

風花

海棠桃李雨中空更看清明兩日風風似病顛無籍在花
如中酒不惺鬆身行楚嶠遠更遠家寄秦淮東復東道是
殘紅何足惜後來并恐沒殘紅

過楊二渡

春迹無痕可得尋不將詩眼看春心鶯邊楊柳鷗邊草
日青來一日滾

宿黃岡

我豈忘懷一畝居誰令愛讀數行書秋南春北雁相似柳

思花情鶯不如上市魚蝦村店酒帶花秋芥晚春蔬長亭
一醉非難事造物相撩莫管渠

清明日午憇黃池鎮

莫笑孤村小市頭花邊人出浦邊遊綠楊拂水雙浮鴨碧
草粘天一落鷗嬾困風光酣午睡陰沉天氣嫁春愁阿誰
道是清明節我對清明喚作秋

棗茶坑道中

田塍莫道細于椽便是桑園與菜園嶺脚置錐畱結屋盡
驅柿栗上山巔

上山入屋上山鉏圖得生涯總近居桑眼未開先着椹麥
胎纔出便生鬚

秋疇夾岸隔溪東水何緣到得西溪而抵銷橫一峴水

從空裏過如飛

蠶筵今歲十分強催得農家日夜忙已縛桁竿等新麥更
將了木撐欹桑

清明風日雨乾時草滿花隄水滿溪童子柳陰眠正着
牛喫過柳陰西

山根一徑抱溪斜片地纔寬便數家漫插漫成隄上柳半
開半落路傍花

明發周村灣

不住寬鄉住甕門那知世上有乾坤環將峻嶺包溪谷圍
出餘天與別村茅屋相挨無着處花溪百摺不教奔江淮
地迥寒無價宜歛山寒更莫論

過湖駱坑

已被山寒病老身車徒溪涉更艱勤霧皆成點無非兩日
出多時未脫雲猿鳥一聲人不見松杉四塞徑無痕十分
晴暖儂何福官借曦光三五分

安樂廟頭

誰教遣詩酷愛山愛山說得口瀾翻千峰萬嶺爭投奔一
陟三休却倦煩推案滿前何處着枯腸飽後豈能餐殘息
贖翠渾無用包寄金陵同社看

宣歙道中

天齊玉立萬孱顏三日溪行紫翠間便是昨來千佛閣望
中見此兩州山詩家寒刮少陵骨宮樣高梳西子鬢祇好
遙看莫登覽今晨登處髻都斑

新安登江水自績溪發源

金陵江水只鹹腥敢望新安江水清皺底玻璃還解動聲
然鄞淥却消醒泉從山骨無泥氣玉漱花汀作珮聲水記
茶經都未識謫仙句裏萬年名太白云借問新安江見底
何如此又云何謝新安味
手尋見底清

明發黃土龕過高路

又過崢嶸兩峽間也無溪水也無田嶺雲放脚寒垂地山
麥掀髯翠拂天碧玉屏風吹不倒青綾步帳買無錢詩人
富貴非人世猶自淒涼意惘然

晨炊泉水塘村店無肉只買笋蕨啣亭父

屠門淡閉底須愁土銼無烟也莫羞笋便落林猶勝肉腩
纔出土更燒油萬錢下箸今安在一飯流匙飽即休吾道
藜羹元不糝至今諱殺古陳州陳州人諱餓殺孔夫子

明發西館晨炊藹岡

人家爭住水東西卽是臨溪却背溪
撥得一家無去處跨溪結屋更精奇

何須名苑看春風一路山花不負儂
日日錦江呈錦樣清溪倒照映山紅

閩門外登溪船

步下新船試水初打頭攬載適逢予
一椽板屋纔經雨兩面油窗好讀書
刺買春園紅芍藥亂纂棊几竹籬條
清溪浮取松亭子賞徧千山不要驢

上得船來恰對山一山頃刻變多般
初堆翠被百千摺忽拔青瑤三兩竿
夾岸兒童天上立數村樓閣電中看
平生快意何曾夢老向閩門下急難

當面峰頭些子雲坐看吹作雨紛紛
朝來山路能愁我今者溪船正要君
遠嶺輕盈橫皺縠明窗撩亂觸驚蚊
猶爭新漲一篙碧遮莫飄蕭二十分

選甚天時晴未晴舟行終是勝山行
篷欣雨點斜偏好枕慣波聲夢不驚
幸自車從小休息又聞鼓笛鬧將迎
偶然回首來時路一夜霜毛一倍生

無家不住曲溪邊祇種高山不種田
絕壁如天天入水亂篙鳴石石鳴船
百難春浪雲頭過兩岸林花鏡底眠
歸路商量更舟楫廬山彭蠡好風烟

芙蓉渡酒店前金沙芍藥盛開

小店春光也自妍芙蓉渡口數家邨
筍輿低過金沙架羅洛疎圜芍藥軒
孤客倦遊殊寂莫雨花作意與溫存
可憐

經眼匆匆去不折紅香到綠尊

晨炊橫塘橋酒家小窗

飢望炊烟眼欲穿可人最是一清帘雙渠走水穿三店獨
樹欹流蔭兩簷窗扇透明仍挂上爐香未盡又多添山中
祇苦無良醞嫌殺芳醪似蜜甜

過松源晨炊漆公店

莫言下嶺便無難賺得行人錯喜歡正入萬山圈子裏一
山放出一山攔

答徐子村談絕句

受業初參王半山終須投檢晚唐間國風此去無多子關
楨挑來祇等閒

雨後泊舟小箬回望靈山

靈山相識已平生雨後精神見未曾一朶碧蓮三萬丈數
來花片八千層雲姿霧態排天出竹杖芒鞋欠我登羨殺
峰頭看山寺厭山不看是諸僧

悶歌行

阻風泊湖心康郎山旁小舟三宿作悶歌行

書策看來已覺煩詩篇壓了更休論客心未便無安頓試
數油窗雨點痕
風氣掀天浪打頭只須一笑不須愁近看兩日遠三日氣
力窮時會自休

題漱玉亭示開先長老師序

山根玉泉仰面飛飛出山頂却下馳自從廬阜瀉雙練至
今銀灣乾兩枝雷聲驚裂龍伯眼雪點濺濕姮娥衣寄言

蘇二李十二莫愁瀑布無新詩

發揚港渡入交石夾

朝雨匆匆霽春山歷歷嘉老青交幼綠暗錦出明花漁艇
十數隻鷄聲三五家人生須富貴此輩亦生涯

題東西二梁山

發蕪湖舟過東梁西梁二石皆石峰夾大江對立兩岸
卽采石蛾眉亭所望見如雙眉者

莫恨當初畫得偏却因偏處反成妍喜來舒展愁來蹙各
樣嬌嬈更可憐

傳道臨春惜麗華不從陳帝入隋家獨將亡國十年恨留
下雙顰寄岸花

發蕪湖過烈山望見歷陽一帶山

夢繞天津月再灣慈湖解纜已開顏淮山到眼長相識直
北青梢是定山

讀唐人于瀆劉駕詩

劉駕及于瀆死愛作愁語未必真許愁說得乃爾苦一字
八人目蜚出兩睫雨莫教兩入心一滴一痛楚坐令無事
人吞刃割肺腑我不識二子偶覽二子句兒曹勸莫讀讀
着恐愁去我云寧有是誠讀亦未據一篇讀未竟永慨聲
已屢忽覺二子愁併來遮不住何物與解圍伯雅煩盡護

送丘宗卿帥蜀

諭蜀宣威百萬兵不須號令自清明酒揮勃律天西枕鼓
臥蓬婆雲外城二月海棠頰國色五更杜宇說鄉情少陵
山谷千年恨不遇遲江眼爲青

發趙屯得風宿楊林池是日行二百里

動地風來覺地浮拍天浪起帶天流舞翻柳樹知何喜拜
殺蘆花未肯休兩岸萬山如走馬一帆千里送歸舟出籠
病鶴孤飛後回首金籠始欲愁

平望夜景

三襲襲三當當夜泊平望更點長新月無光湖有光昨宵
一雪今宵霜犬吠兩岸歸人忙夜淡人靜無一事畫燭注
殘人欲睡忽有漁船外水來一棹波聲風雨至半生墮在
紅塵中浮家東吳東復東樓船夜宿琉璃國誰言別有水
晶宮

登鳳凰臺

千年百尺鳳凰臺送盡潮回鳳不回白鷺北頭江草合烏
衣西面杏花開龍蟠虎踞山川在古往今來鼓角哀只有
謫仙畱句處春風掌管拂蛛煤

上巳寒食同日後園散行

百五重三併一朝風光不怕不嬌嬈鹿葱引道心猶卷楊
柳磨門手對招節未喚隨非是強扇聊作伴不須搖先生
道是無歌舞花勸鶯酬酒自銷

代書呈功父

不見子張子令人夢亦息只應依舊瘦近作幾多詩聯句
平生事看花去歲時海棠今好不傳語併餘醪

折花

指似青童折海棠繁枝仍要艷花房癡眉眼底生疎手顫
脫花房悶一場

陪畱守余處恭總領錢思提刑傅景仁游清涼寺卽

古石頭城

已守臺城更石城不知併力或分營六師只遣還天關一壘真成借寇兵向者王蘇俱解此寬哉隗協可憐生若言虎踞渾堪倚萬歲千秋無戰爭

夏日雜興

金陵六月曉猶寒近北天時較少暄打盡林禽那待熟半開萱草已先翻獨龍岡頂青山摺十字河頭別一痕九郡報來都雨足插秧收麥喜村村

新亭送客

六朝豈是乏勳賢爲底京師不晏然栢壁置人添一笑楚囚對泣後千年鍾山喚客長南望江水流人懶北還強管興亡談不盡枉教吟殺夕陽蟬

初秋行圃

今年六月不勝涼七月炎蒸不可當一陣秋風初過雨箇般天氣好燒香
小小園亭亦自佳晚雲雨過却成霞爛開梔子渾如雪已熟來檮尚帶花
花梢飛下兩鳴鳩欲住還行行復畱拾得來禽吞不得啄來啄去竟成休
落日無情最有情偏催萬樹暮蟬鳴聽來咫尺無尋處尋到旁邊却不聲

竹牀

已製青奴一壁寒更搯綠玉兩頭安誰言詩老眠雲榻不

是漁郎釣月竿醉夢那知蕉葉雨小舟親過蓼花灘蹶然
驚起天將曉牕下書燈耿復殘

後圃秋步

夏筵秋新妒暄窻冷早侵病葵萱未悟落果草偏淡老矣
曾繁望歸歟更嬾心此冠彈與掛若箇不山林

聽蟬絕句

一隻初來報早秋又添一隻說新愁兩蟬對語雙垂柳知
鬪先休鬪後休
渠與斜陽有底讐千冤萬恨訴清秋更從誰子做頭抵只
放斜陽不落休
望帝啼春夜更多不知蟬意却如何還來入夜便無語明
日將詩理會他

罪過渠儂商略秋從朝至暮不曾休莫嫌入夜還休去自
有寒螿替說愁

八月朔曉起趣辦行

雨後晨先起花間濕也行破除婪尾暑領略打頭清露果
無遲落枯枝忽再榮便須秣吾馬及此半陰晴

蚤起稜嶺

人趁村中樹雞鳴擔上籠忽看一天紫未吐半輪紅誰撼
扶桑露吹來楊柳風詩肩忍涼冷已出兩臞峰

山路祇言迥農家俱夙興短長羣穉子回避一田塍隨犬
能知路騎牛底用繩茲行有勝事何處不豐登

發銀樹林

莫過溪橋銀樹林溪深未抵路泥濘清風一陣掠人面晴

色半開關客心遠嶺蒸雲秋裏雪淡天刷墨曉來陰幾多
好句爭投我柳奪花偷底處尋

曉行望雲山

霽天欲曉未明間滿目奇峰總可觀却有一峰忽然長方
知不動是真山

四更發青陽縣西五里村家店

轎中萬元路千縈死盡村無一鳴落月正明知未曉暗
泉甚遠只聞聲自緣客子行來早豈是秋天不肯明午熱
未來先下店却將晝睡補宵征

過若山坊進退格

綠漲空中幄黃鋪地上雲風條鈎過轎雨毯沒行人夾路
桑千樹平田稻十分泥行殊不惡物色逐村新

菜圃

此圃何其窄于儂已自華看人澆白菜分水及黃花霜熟
天殊暖風微旆亦斜笑摩桃竹杖何日拄還家

冬暖

小春活脫是春時霜熟風酣日上遲晚蝶頻來獵殘葉驚
禽衝過倒垂枝暫閑何似長閑好無事非關了事癡三徑
一筇人不見假山以外菊花知

題青山市汪家店

小小樓臨短短墻長春半架動紅香楊花知得人孤寂致
故飛來入竹窗

宿新豐坊咏餅中牡丹因懷故園

客子泥塗正可憐天香國色一枝鮮雨中晚斂寒如此燭

底宵暄笑粲然自覺玉容微婉軟急將翠掌護嬋娟江南
也有新豐市未羨賓王酌聖賢

嘲道旁楓松相倚

雙楓一松相後前可憐老翁依少年少年翡翠新衫子老
翁淡衣青布被更看秋風清露時少年再換輕紅衣莫教
一夜霜雪落少年赤立無衣著老翁淡衣却不惡

宿白雲山奉聖寺

徑夾長松地照青眼看高閣與雲平出林殿春先知寺滿
地花枝未見鶯上到峰頭千嶂合下臨嶺脚一溪橫山寒
入骨冰相似冰殺人來却道清

安樂坊牧童

前見牽牛渡溪水後見騎牛回問事一兒吹笛笠簪花一
牛載兒行引子春溪嫩水清無滓春洲細草碧無瑕五牛
遠去莫管他隔溪便是羣兒家忽然頭上數點雨三笠四
簑趕將去

宿黃土龕五更聞子規

通宵不睡睡方奇夢裏驚聞新子規只是一聲已腸斷况
當三月落花時不論客子愁無那便遣家人聽亦悲歸到
江西歸始了江東歸得未爲歸

和道父山歌

夜卧舟中聞有唱山歌者倚其聲作二首一王道父
生來不識大門邊一片丹心石樣堅聞得阿郎誰得婦
無媒爭得到郎前

種田不收一年事取婦不著一生貧風吹白日漫山去

老却郎時懊殺人

和

東家娘子立花邊長哭東枝脆不堅却被花枝哭娘子嫁
期已是蹉春前
阿婆辛苦住西鄰豈愛無家更願貧秋月春風擔閣了白
頭始嫁不羞人

明發四望山過都昌縣入彭蠡湖

衆船爭取疾直赴兩山口吾船獨橫趨甘在衆船後問來
風不正法當走山右不辭用盡力要與風相就忽然挂孤
帆吾船却先走

大姑山

小姑小年嫁彭郎大姑不嫁空自孀小姑有夫似織女大
姑無夫如姮戶慈湖也曾說媒妁執柯教與五老約東方
一老差妙齡正似彭郎却老成大姑背面啼更道豈有老
人會年少大姑年來年去今亦老

道中紀行

可堪衰病兩相纏更苦懸車尚五年羨殺雨中山上水畱
他不住竟歸田
君看人跡蝶來輕踏得林間路作坑古路今人行不得一
時移上土頭行



斷不計汝田
下對寒涼雨
誰更苦
車向立
手受
難而
中山
山水
人會
半少
大故
半來
半生
今亦
半

一
步
差
越
錯
五
四
過
波
味
半
如
大
故
昔
而
却
更
直
豈
肯
半

退休集鈔

三三徑

東園新開九徑江梅海棠桃李橘杏紅梅碧桃芙蓉九
種花木各植一徑命曰三三徑云

三徑初開自蔣卿再開三徑是淵明誠齋奄有三三徑一
徑花開一徑行

雪後東園午望

天色輕陰小霽中晝眠初醒未惺鬆梅橫破屋無多雪雲
放東山第一峰不道風光虧此老將何功業答殘冬土羔
菜甲鵝兒酒醉入梅林化作蜂

答賦永豐宰黃巖老投贈

吾友蕭東夫今日陳後山道腴詩彌瘦世忙渠自閒不見

逾星終每息卽凄然都邑黃永豐與渠中表間黃語似蕭
語已透最上關莫道不是蕭蕭乃墮我前佳句鬼所泣盛
名天所慳詩人只言黠犯之取飢寒端能不懼者放君據
詩壇

初夏

旋作東坡已水聲纔經急雨恰新晴提壺醒眼看人醉布
穀催農不自耕一似老夫堪笑死萬方口業拙謀生嘲紅
侮綠成何事自古詩人沒一成

枕上聞子規

半世經行怕子規一聞一歎一霑衣如今聽着渾如夢我
自高眠汝自啼

有歎

飽喜飢嗔笑殺儂鳳凰未可笑狙公儘逃暮四朝三外猶
在桐花竹實中

六月將晦夜出疑歸門

暑裏街頭可久停今宵無月也宵征一天星點明歸路十
里荷香送出城山轎聲聲柔艣緊葛衣眼眼野風清五更
月出還家下不早相期作伴行

十六日夜再同子文三濟叔粲南溪步月

際晚溪遊暮欲歸追涼逐勝却成遲月如醉眼生紅暈山
作愁眉帶淡姿天下無人閑似我秋邊有句說誰知弟兄
一再更相送行到更深笑不知

重九前四日晝睡獨覺

睡息初酣過午彊起來四顧已斜陽添糊窗隔無風氣旋

曬衣裘有日香舊雨不來從草綠新豐獨酌又花黃去年
重九窮忙過可遣今年更作忙

立春檢牡丹

牡丹又欲試春粧忙得閒人也作忙新舊年頭將替換去
畱花眼費商量東風從我袖中出小蕾已含天上香只道
開時恐腸斷未開先自斷人腸

曉起探梅

一生劫劫只長塗投老山林始定居夢破青燈窗欲白猶
疑雪店聽鷄初

送簡壽王主簿之官臨桂

柴門草徑儘莓苔不放黃塵俗子來詩客清晨衝雨入梅
花一夜爲君開飄蕭落葉殘燈火陸續清談濁酒杯二十
一年纔四見驪駒抵死又相催

與侯子雲溪上晚步

人入溪園自揜門溪流新落兩三痕杖藜紫菊霜風徑送
眼丹楓夕照村行住忽然忘近遠陰晴未肯定寒暄多時
不出今聊出牧子樵兒一笑喧

新晴

瑤霜珠露兩相鮮玉宇金鉏萬里寬欲作一晴多少日早
知祇費數朝寒曩禾場裏鷄豚樂試筆窗前紙墨乾兒女
莫餐新浙飯打頭荷甌且輸官

畱蕭伯和仲和小飲

誰曾白日上青天誰羨千鍾况萬錢要入詩家須有骨若
除酒外更無仙三杯未必通大道一醉真能出百篇李杜

飢寒纔幾日却教富貴不論年

新晴東園晚步

一日秋陰一日晴山禽相賀太丁寧不愁白髮千莖雪隨
喜黃庭一卷經晚霧薄情憎遠嶺夕陽死命戀危亭孤吟
莫道無人覺松竹喧傳菊細聽

忙裏清流也帶塵鬧中底物不長新水將樹影揮空帶楓
換秋容作好春自是不歸歸便得老來下筆筆如神鬢花
剪燭無虛日賤相誠齋一老人

歲暮歸自城中一病垂死病起遣悶

素居猶寡歡巾車入城闌親舊久不見一見交相欣挽衣
招我飲惟恐我出門不招我亦往不畱我亦存殷勤復如
許不住我豈真是時梅始花吹香落金尊酒有果富咀

啜俱芳珍丞相我知已太守我故人言非汰塵雜塵雜不
入言初談聖賢髓終談天地林向晚銜杯酒不樂復何云
出郭雲尚明反郊日忽暮不息日晷短却信雲已誤駿奔
六七里逢店破亦住澆愁幸殘尊照睡欺短炬荒鷄喚野
夢晨起念速步升高乃復下故病動中腑昏肚懍欲絕低
回不能去僮僕強我歸偶不隕中路老主猶倚強疾在自
不悟及茲一委頓去死僅尺許人生信浮脆可笑何足懼
所懼棄官晚行樂今已遽

曉登萬花川谷看海棠

準擬今春樂事濃依前枉却一東風年年不帶看花眼不
是愁中卽病中

走筆送趙正則司戶來訪觀親庭

捧檄親庭歸帽斜
肯臨破屋玉川家
小留詩客三杯酒
試看山園幾處花
人到東湖與南浦
時當芍藥替金沙
却來書滿參鄉好
徑泛銀河犯斗槎

寄題儋耳東坡故居尊賢堂太守譚景光所作

先生初落海南垂
茅屋三間不到伊
更有高堂懸畫像
幸無過客首新詩
古來賢聖皆如此
身後功名屬阿誰
底事百年譚太守
却教賓主不同時

八月十三日望月

纔近中秋月已清
鴉青幕挂一團冰
忽然覺得今宵月
元不粘天獨自行

蛩聲

誠齋老子一歸休
最感蛩聲五報秋
細聽蛩聲元自樂
人

愁却道是宅愁

南齋梅花

朝來早起挂南窗
要看梅花試曉粧
兩樹相挨前後發
老夫一月不燒香

早春

還家五度見春容
長被春容惱病翁
高柳下來垂處綠
小桃上去未梢紅
捲簾亭館酣酣日
放杖溪山款款風
更入新年足新雨
去年未當好時豐

雪後寄謝濟翁村翁聯騎來訪進退格

封胡連壁雨中來
自送歸鞍悵獨回
隱几讀書寒入骨
開門落雪皓平堦
急尋火種溫雙手
自喚兒郎共一杯
念汝野梅官柳路
地爐松葉買茆柴

春半雨寒牡丹殊無消息

今歲芳菲儘未忙去年二月牡丹香寒暄不定春光晚榮
落俱遲花命長繞一兩朝晴炫野又三四陣雨鳴廊對江
魏紫拳如蕨而况姚家進御黃

初秋戲作山居雜興俳體

早起翻成坐睡昏鵲聲喚我步前軒竹扉日影針來大射
壁千丸彈子痕

暑後花枝輸子春雜英小巧亦欣人素馨解點粉描筆卷
鳳愛垂鷄下脣

風騷開國昨寒嚴勞績批書課萃嵐黎子要肥千取百菊
苗每摘一生三

昨夜天垂破玉盆今宵辛苦補盆脣看他補到十七八滿
得十分虧二分

甌頭雲子喜嘗新紅嚼桃花白嚼銀笑殺他人浪歡喜村
人殘底到官人

七月初頭六月闌老夫日醉早禾酸莫將糞吃只生吃更
洩天機向達官

俗謂早禾酒爲早禾酸

自曝羣書舊間新淨揩白醜拂黃塵莫羞空腹無丁字且
免秋陽晒殺人

獨對秋筠倒晚壺喜無吏舍四歌呼柳梢一殼茲緇滓
角雙斑谷古孤

卓午從他大繖張先生別有睡爲鄉竹林移徧兩頭冷瓦
枕翻來四面香

謝弭師余處恭遣騎惠書送酒

鵲噪燈花兩大謾三朝五夜強相歡打門將軍還驚枕破
屋闌人起着冠知己書從天上落焚香手把月中看少陵
泛愛風名句羨殺寒儒眼不寒

同王見可劉子年循南溪度西橋登天柱岡望東山
偶因閑步散頑麻倦喚胡麻小住些飛上山頭人似鶴回
看溪畔路如蛇雲烟極目知可愛松竹爲門是我家下得
山來飢更渴也無麥飯也無茶

和曾無疑贈詩語及歐陽公事

烏帽紅塵媿子陵綠簑青笠晚尋盟三千里外還家後七
十二回看月生與子兩人長對酌笑渠萬古浪逐名醉翁
若是真箇醉皁白何須鏡樣明

題道卿貧樂齋

雪茹冰餐入骨香慢欺驢瘦儘詩狂人傳幼婦皆稱絕鬼
笑人家不姓方細雨寒燈初夢短斷猿枯木一聲長上天
已辦河東賦豈有長貧執戟郎

乙未春日山居雜興

半月春晴探物華山園走得脚酸麻從教三日風和雨閉
戶燒香不看花

海棠重葉更妖斜青帝翻騰別一家格外出奇人不識大
紅抹倒小蓮花

金作林檎花絕濃十年花少怨東風卽今徧地藥枝錦不
則梢頭幾點紅

日影雲光學鍍金好風不肖碎花陰人言春色濃于酒不
醉衰容只醉心

半晴半雨半暄涼
拖帶春容未要忙
爲報州家更縣裏
吾鄉改作萬花鄉

一春雨脚帶東園
柳絆花牽不暫閒
今日醺晴天氣好
杖藜看水更看山

暮春

花時追賞夜將朝
花過遲眠日儘高
又與山禽爭口腹
執竿挾彈守櫻桃

送蕭瑞卿

異縣二百里分襟
五十年官來每病老
相對各蒼然
舉似兒時話
茫如夢裏烟
殘花猶可醉
細酌斗酒眠

送分寧主簿羅寵材秩滿入京

要知詩客叅江西
正似禪客叅曹溪
不到南華與脩水
子

何傳法更傳衣
吾家親黨子羅子
只今四海習鑿齒
花紅玉白幾百篇
塞破錦囊脫無底
三年簿領修水涯
夜半親傳雙井芽
定知誦向百僚上
不道長江與落霞

書黃廬陵伯庸詩卷

句法何曾問外人
單傳山谷當家春
截來雲錦花無樣
倒寫珠胎海亦貧
汗竹香中翻墨汁
扶渠梢上挂頭巾
詩名官職看雙好
向道儒冠不誤身

木犀芙蓉盛開

先生淡仕萬山村
霧裏雲包不見痕
也被閑人知去處
芙蓉巷裏木樨門

謝張功父送近詩集

十年不夢軟紅塵
惱亂心得我嗔
兩夜連緡約齋集
雙

睥再見帝城春鶯花世界輸公等泉石膏肓探病身近代
風騷四詩將非君摩壘更何人

范石湖尤梁溪蕭千巖陸放翁

寄謝蜀帥袁起巖尚書閣學寄贈藥物

拋官歸隱七經年睡殺山雲笑殺天剩雨殘雲黃帽底顛
詩中酒白鷗前少年行路今已矣厚祿故人書寂然只有
錦城袁閣學寄詩贈藥意悄悄

寄題安福劉道協涌翠樓

讀書臺南山繞屋恰是萬簷削青玉讀書臺北山更多又
似碧海躍萬波臺邊高人子劉子架樓南北山圍裏醉中
領客上上頭忽驚平地翠浪浮一浪拋雲入天半眾浪翻
空濕銀漢碎轟打倒闌干前天跳地跳乾坤顛賓主拍手
呼釣船定眼看來還不然只是南北幾點山

走筆謝吉守趙判院分餉三山荔枝

吾州五馬住閩山分我三山荔子丹甘露落來鷄子大曉
風凍作水晶團西川紅錦無此色南海綠羅猶帶酸不是
今年天不暑玉膚照得野人寒

足痛無聊塊坐讀江西詩

兩脚徧雲水羣書久網絲却因三日痛理得數篇詩不借
雙高挂毋追一任歎老夫非愛病不病亦何爲

夏夜露坐

火老殊未熱雨多還自晴暮天無定色過鳥有遺聲坐久
人將睡更深月始明素娥欺我老偏照雪千莖
山翠都成黑天黃忽復青月肥過半壁雲瘦不遮星瓦鼓
三四隻村酤一兩瓶人皆笑我醉我獨笑渠醒

同劉季游登天柱岡

兩箇胡牀小憇些一枝筇杖挂傾斜烟雲慘淡天將雪風日荒寒梅未花人去客來沽酒市鷄鳴犬吠野人家清游不用忙歸去強管行程是暮鴉

不睡

夜永無眠非爲茶無風燈影自橫斜擁禰仰面書帷薄數盡承塵一簞花清愁無數暗相隨酒是渠讐也是媒醉裏不知何處驛等人醒後一時來

醉吟

三春草草眼中過未抵三冬樂事多燭焰雙丫紅再合酒花半蕾碧千波孤寒霜月儂相似跌宕風雲誰奈何道是閑人沒勳績一枝樵斧一漁簑

送士文伯上舍歸豐城兼簡彭侍郎

碧落先生少可人銀鈎繭紙苦稱君談間口吸西江水句裏家傳南浦雲千里端能來命駕一尊得與細論文還家剩草三千牘看策平津第一勳

讀張文潛詩

山谷前頭敢說詩絕稱漱酒掃花詞後來全集教渠見別有天珍渠得知

予與客嘗茶藤瀉酒客求其法因戲答之

月中露下摘茶藤瀉酒銀餅花倒垂若要花香熏酒骨莫教玉醴濕瓊肌一杯墮我無何有百罰知君亦不辭勅賜淡之能幾許野人時復一中之

初夏卽事

百日田乾田父愁只消一雨百無憂更無人惜田中水放
下清溪恣意流
更無一箇子規啼寂寂空山花自飛啼得春歸他便去元
來不是勸人歸

詩酒懷趙德莊

德莊對客不瀟茗傳觴半杯日某名
趙半杯君知否余老病亦只飲半杯

舊日張三影今時趙半杯誰將牌印子牒過草廬來一代
風流盡餘年鬢髮催愁邊對詩酒懷抱向誰開

端午獨酌

招得榴花共一觴艾人笑殺老夫狂子蘭赤口禳何益正
則紅船看不妨團糴明朝便無味菖蒲今日麼生香一生
幸免春端帖可遣漁歌譜大章

至後入城道中雜興

大熟仍教得大晴今年又是一昇平昇平不在簫韶裏只
在諸村打稻聲

問渠田父定無飢却道官人那得知未送太倉新玉粒敢
先雲子滑流匙

畦蔬甘似臥沙羊正爲新經幾夜霜蘆葍過拳菘過膝北

風一路菜羹香

長亭阿姥短亭翁探借桃花作面紅酒熟自嘗仍自賣一

生割據醉鄉中

豐年物物總欣歡不但人和畜亦蕃鼓處金膚肥豕母春
餘珠屑飽鷄孫

再入城宿張氏莊早起進退格

夢覺月如晝誤驚天欲明起吹松葉燼自點柏花燈山齋
已十里譙門纔四更脚跟豈無火鬚上也成冰

暮行田間

布穀聲中日脚收瘦蔗叫我西疇露珠走上青秧葉不
到稍頭官便休

水滿平田無處無一張雷紙雨中鋪新秧亂插如井字却
道山農不解書

進退格寄張功父姜堯章

尤蕭范陸四詩翁此後誰當第一功新拜南湖爲上將更
牽白石作先鋒可憐公等俱癡絕不見詞人到老窮謝遣
管城儂已曉酒泉端欲乞移封

雨中入城送趙吉州器之

拂溪楊柳縷生金欄路山磬香殺人不是衝關送行客外
頭放過若干春

村店農忙半不開入城客子去還來阿耶烏傘兒青笠賣
却松柴買菜回

次公秩滿來歸偶上巳寒食同日父子小酌

又是一年修禊時何須曲水泛金卮遍嘗衆酒少亦醉坐
到三更眠未遲上巳巧當寒食日春風慳放牡丹枝白頭
父子燈前語忘却江湖久別離

十二月二十七日立春夜不寐

冬夜嫌長只望春春宵又永更何言睫稍強合終無睡脚
底相摩也不溫竟夕松風聽到曉半明燈火看來昏擁綉
却起蒙頭坐顧影真成一病猿

長孺共讀杜詩

病身兀兀腦岑岑偶得兒曹文字林一卷杜詩揉欲爛兩
人齊讀味初淡斷肝枉却期千載漏眼誰曾更再尋筆底
奸雄死猶毒莫將饒舌泄渠心

族人同諸友問疾

摩詰沉痾未易排文殊一問尖妖災老夫何幸羣賢集倒
履出迎雙眼開語造極時全愈了病知客去卽重來呼兒
細揀新書冊體不佳時看一回

病中復脚痛終日倦坐遣悶

滿眼生花雪滿顛依稀又過四雙年誰知病脚妨行步只
見端居例坐禪墮扇几旁猶懶拾檢書窗下更能前世人
摠羨飛仙侶我羨行人便是仙

病中七夕

良辰美景底須來苦惱如山正滿懷蟬度清歌侑溪柳花
吹黃雪灑宮槐新秋風物俱堪賞久病心情自不佳說與
兒童休乞巧老夫守拙尚多乖

己丑改元開禧元日

開禧元祀更元正宿雨新收放曉晴夜半梅花添一歲夢
中爆竹報殘更方知人喜天亦喜作麼鐘鳴鷄未鳴老子
年齡君莫問屠蘇飲了更無兄

病中春雨聞東園花盛

萬類欣欣一老悲物華豈是不佳時病夫自與春無分好
景非干我獨遺花底報來開已鬧雨中過了更曾知風光
九十今強半又約芳菲隔歲期

雨霽看東園桃李行溪上進退格

藥裏關心正腹煩強排孤悶到東園行穿六六三三徑來
往紅紅白白間繞樹仰看渾弗見隔溪回望不勝繁村村
桃李家家有脚力酸時坐看山

病中感秋

病中一別抵三秋况見西風在樹頭老去能禁幾回病秋
來不爲別人愁書帷夢覺疑僧榻竹戶涼侵似客舟壽外
康寧方是福不然徒壽不須休

送藥者陳國器

膏憲一舉空朔野曹霸一筆空凡馬吾鄉藥者有陳生一
丸洗雪萬藥者庸醫皆笑道劫沙陳生拈出便是玉山禾
庸醫皆笑潤下水陳生酌來便是上池底也只不離神農

書書外別得一亡珠也只不出岐伯論論外別得舌一寸
舊遭痔疾惱殺儂新遭淋疾與合縱恰如住在圃田國晉
楚腹背夾攻陳生贈我玉函子乃是華陽洞中垂龍耳
陳生贈我紺葉紗乃是金鴉脚底扶桑花汲泉親手煮蟹
眼一斲枯腸如澆沙平生舊疾蟬殼退秋風吹落青天外
更傳枕中鴻寶方戒勿浪傳泄天藏君不見回岩仙客逢
貧子指石成金吾濟爾貧子再拜不要金祇覓指頭吾自
指

除夕送次公子入京受縣

過眼光陰又歲窮相看父子一尊同春回雨點溪聲裏人
醉梅花竹影中汝趁暄和朝北闕我扶衰病見東風弟兄
努力思報國放我滄浪作釣翁

十月四日同子文克信子潛子直材翁子立諸弟訪
三十二叔祖於小蓬萊酌酒摘金橘小集戲成

句

誠齋老子不奈靜偶拄烏藤出苔徑獨游無伴却成愁
從同行還起興每過一家添一人須臾保社如煙雲
寥廓涉溪溪水淺着履渡橋橋柱新蓬萊一點出塵外
南溪裏在手花裏芙蓉照波上下紅琅玕繞屋東西翠
槿籬竹戶重復重雞鳴犬吠青霞中蓬萊老仙出迎
客朱顏綠髮仍方瞳餐菊爲糧露爲醕染霧作巾雲作
屨忻然領客到仙家行盡蓬萊日未斜更傾山瓢酌
山酒酒外瓢邊亦何有偶看小樹雙團欒碧琉璃葉
黃金丸主人忍喫不忍摘笑道未霜猶帶酸小童隨
我勇過我不管仙翁惜仙果手撓

風枝掠霜顛爭獻滿盤來飢坐隔水蓬萊看絕奇蓬萊看
水海如池主人勸客對絕境不飲令儂坐生裏何如寄下
未盡瓢畱待早梅賞疎影

嘗桃

金桃兩飮照銀杯一是栽花一買來香味比嘗無兩樣人
情畢竟愛親栽

止酒

止酒先立約庶幾守得堅自約復自守事亦未必然約語
未出口意已慘不歡平生死愛酒愛酒仍棄官憶昔少年
日與酒爲忘年醉則卧香草落花爲繡氈覺來月已上復
飲落花前衷腸不禁酒此事今莫論因酒屢作病自索非
關天朝來復苦痛飲藥痛不痊銳欲絕伯雅已書絕交篇

如何酒未絕告至愁已先我與意爲仇意慙我不歡何如
且快意伯雅再遣前來日若再病旋旋商量看

秋涼晚酌

寄老山林度懶殘新秋又是一年年青編翠竹風聽月白
酒紅葉水檻天暑欲謝時偏更弄儂當醉後恕渠顛古稀
尚隔來年在且醺今宵藥玉船

乙卯春日三徑行散有感

東園一日走千尋又見飛龍第一春桃李成陰儂已老江
山依舊歲還新穿花踏影渾無日隔徑聞聲不見人學省
同寮各星散白雲山裏伴閒身

十一月朔早起

拋笏投簪四見秋官情世味兩俱休塵隨日影穿牕戲葉
卷風聲刮地愁文武自勾香底火聖賢教帶老時愁夜來
富貴非人世夢釣滄浪雪滿舟

新霜

得得今來未有寒天公小靳不全判欲呈瑞雪飛花樣先
遣濃霜起草看瓦脊生春總瓊玉梅梢着粉忽琅玕老夫
到老嫌冬熱十指明來出袖難

中塗小歇

山僮問遊何許村莫問何許但出門脚根倦時且小歇山
色佳處須細看道逢田父遮儂住說與前頭看山去寄不
君家老瓦盆他日重遊却來取

積雨小霽

雨足山雲半欲開新秧猶待小暄催一雙百舌花梢語四

顧無人忽下來

和虞使君易簡字知能所寄唐律二首

四海九州虞雍公擎天一柱雪山峯厥孫俊逸詩無敵下
筆縱橫劔有鋒舊日門生今白髮故人書札照蒼松
讀得紗巾落如對青雲阮仲容

柴桑卧病一茅廬或掉孤舟或命車道喪今朝逢祖謝詩
工獨步過應徐萬山不隔相思字數月之間雨得書
方將訪喬木碧梧翠竹看新除

曬衣

亭午曬衣晡褶衣柳箱布襪自攜歸妻孥相笑還相問赤
脚蒼頭更阿誰

光日菊未花

舊說黃楊厄閏年今年併厄菊花天但接青蕊浮新酒何
必黃金鑄小錢半醉嚼香霜月底一枝却老鬢絲邊阿誰
會得開遲意暗展重陽十月前

曉看芙蓉

兩歲芙蓉無一枝今年萬朵壓枝低半紅半白花都間非
短非長樹斲齊臨水醜粧新雨後出牆背面曉風西春英
笑殺秋英淡秣恐濃於桃李蹊

久雨妨於農收因訪子上有歎

君能過我意如傾我每看君脚便輕若爲泥塗間還往端
令老病底心情未霜楊柳秋猶碧旣水芙蓉晚更明早歲
嫌晴不嫌熟今年教熟不教晴

誠齋題三老圖

劉訥敏叔秀才寫乘成先生平園相國及予爲三老圖
因署其後

劉君寫照妙通神三老圖成又一新只道老韓同傳好被
人指點也愁人

甲子春初卽事

只有觀書樂其如病眼何但令吾意適不必卷頭多
人怨花遲發天教暖早催不知要催落却道是催開
晚得看花訣丁寧趁絕晨乘他醉眠起別是一精神

晚酌

暑天寒果飢來餽水果清於水果休蓮入新秋何更瘦菱
沉到底竟能浮山泉釀酒香仍冽野菽堆盤爽更幽方丈
食前等不受風蟬一腹飽詩愁

七夕後一夜月中露坐

火雲散作鬱金雲簷際移牀偃病身古井石崖新汲水花
洲苔砌蕩晴塵風纔小動卽停吹竹自不涼那及人獨感
今宵上弦月桂梢分露滴紗巾

今宵土鼓日卦前衣露商嶽中

既苦幽燕亂塵風歸小睡唱詞心竹自不秋雅文人斷

火雲錯計鬱金雲氣測綠林點缺良古非百輩濼殘木

外及外一齊日中露坐

